

春秋五禮例宗序

雪川張

大亨集

昔杜元凱作釋例以明春秋異同之義事類相發各為條綱使覽者用力少而見功多可謂善矣然其間雜以傳例與經踳駁而又摘數端不能該盡學者病之唐陸淳乃因啖趙之餘別為纂例其所條列一出於經比於杜公詳顯完密後之說者謂之要例然淳拘於微文捨事從例故事有相濟以成而反裂為數門者非特差失其始終抑亦汨昏其義趣聖經大旨支離失真迷眩後生莫此為甚蓋人之美惡小大萬殊聖人因其實而被之以名豈顯拘於繩約若乃定其筆削以示後世則固有典要存焉善學者因其人之美惡以推聖人之心而究觀其典要之所在則其旨不辭而自白矣顧予非知經者特惧子弟之溺於斯乃綴緝本文通其乖舛以刊前作之誤名曰春秋五禮例宗

卷之二 不佞 卷之二  
序  
蓋周禮盡在魯矣聖人以為法凡欲求經之軌範非五禮何以  
質其從違觀者或無間於古今則當信予言之不妄也 紹聖  
四年二月十七日序

春秋五禮例宗目錄

第一卷

吉禮

王正 即位

立附

郊望 宗廟

視朔附

雩

第二卷

凶禮上

王喪葬 內喪葬 外喪葬


第三卷

凶禮下

弑殺葬 災變

第四卷

軍禮一



伐救附以附

第五卷

軍禮二

圍次戰敗克獲取入滅亡遷潰

追戌乞師平成軍賦雜事附

第六卷

軍禮三

執以歸逃附放奔入歸納叛盜已上四門並附

第七卷

軍禮四

蒐狩城毀附興築毀附

第八卷

賓禮上

朝聘來會照晉命附

第九卷

賓禮下

過如至

第十卷

嘉禮

昏歸服享肆青附

春秋五禮例宗卷第一

吉禮

張氏



王正  
隱元年春王正月

桓元年春王正月二年十年十八年同

莊元年春王正月三年五年六年八年十年十一年十六年

十九年二十一年二十二年三十年同

莊三十二年不書王正者二十書王

不書正七

閔元年春王正月二年同

僖元年春王正月二年三年四年六年八年十年十五年十

六年十八年二十四年二十五年二十六年三十年三十

二年同

文元年春王正月三年五年八年十二年十三年十四年同

文公十八年不書王正者  
八書王不書正者三

宣元年春王正月三年四年九年十一年十六年十七年同

宣公十八年不書王正者  
十書王不書正者一

成公元年春王正月三年五年六年七年九年十四年十六

年十八年同成公十八年不書王正者  
七書王不書正者二

襄元年春王正月二年八年十一年十四年十六年十九年

二十年二十一年二十二年二十九年三十年三十一年

同襄三十一年不書王正者十二  
書王不書正月者六

昭公元年春王正月三年四年五年六年七年十年十五年

二十年二十三年二十六年三十年三十二年

同昭公三十二年不書王正者  
十三書王不書正者五

定公二年春王正月三年六年七年八年九年十五年同

定

五年不書王正者四書王  
不書正者四元年無正月

哀公元年春王正月八年同哀公十四年不書王正者  
八書王不書正者四

人君即位之一年謂之元年歲之初月謂之正月元者首也故

善之長謂之元惡之大亦謂之元以一年為元則人君自此而

首庶物善惡自此而始焉正者所以正物也以初月為正則四

時於是取正焉先儒謂春秋以一為元又謂人君即位欲體元

以居正而書稱太甲元年則謂一為元不獨春秋又曰元惡大

憝則元不獨為善也凡正月每歲輒舉之則又不獨即位也王

正月者左氏謂周正月也三代之正不同周以建子商以建丑

夏以建寅春秋以周正為主故又曰王二月王三月焉明非王

之正也國君即位得以改元而正月則不可改者蓋即位之年

自其身言之可以為首而正月則王所以同天下之尚非本之

一人也先儒謂周官所稱正歲與凡田狩郊祀之類皆兼用夏  
正考之於經或合或不合然春秋所書則純用周正也玉歲班  
其正于萬邦萬邦奉之無敢變亂以明大統之所在以一諸夏  
之所承自唐虞以來未之或改書所謂協時月正日是也周置  
太史以掌之六卿於此班政治焉諸侯受而藏諸廟歲之首則  
朝廟而行之謂之朝正及其衰也太史失班諸侯失朝而天下  
始異尚矣然當是時周之法度自爵祿之籍諸侯固已畏其害  
已而去之獨王正未有輒變亂者則以不足為之損益故也聖  
人闕周室之不競思欲抗王道而黜僭差幸正朔之猶存則舉  
而冠于諸侯行事之上以明天命之未改而示天下之有尊且  
以見王正及于諸侯然後可責以尊王之義其或不書則周失  
班矣夫正朔之存固未足以懲其侮然彼不敢變亂則是猶有

宗周之心而周復不知以此自勉其不競宜哉隱公在位十一  
年一書王正月公穀曰隱不自正也元年有正所以正隱也桓  
公在位十八年四書王正月穀梁曰桓無王其書王者所以治  
桓及正宋公之弑魯伯之卒也定公元年不書王正穀梁曰定  
無正見無以正也夫正朔所以明時王之尚耳非以定人之邪  
正也隱立之是非當自其負見之何與正朔又桓以篡而不書  
則宣公之屢書宜不為篡矣隱之十一年春滕薛來朝穀梁曰  
時朝正也信斯言則彼年之春但當書時以明滕薛之正雖在  
正月所不得書也夫既以不得書月為例而又謂之無正亦已  
誤矣

即位

隱元年春王正月

桓元年春王正月公即位

莊元年春王正月

閔元年春王正月

僖元年春王正月

文元年春王正月公即位

宣元年春王正月公即位

成元年春王正月公即位

襄元年春王正月公即位

昭元年春王正月公即位

定元年夏六月戊辰公即位

哀元年春王正月公即位

立

隱四年十二月衛人立晉

昭二十三年尹氏立王子朝

凡君沒既殯則嗣子于是即位王制曰天子七日而殯諸侯五日大夫士三日以顧命考之成王己丑崩丁卯命作冊度越七日癸酉康王即位則崩既九日矣魯昭公之喪癸亥至自乾侯戊辰定公即位穀梁曰殯然後即位說者以喪至之日為始薨則薨既六日矣蓋喪禮死與往日生與來日三日而斂自天子達所謂聖人為之斷者是也若殯之日則各視其葬月焉故王崩三日而斂則作冊度後七日而殯則康王即位昭公喪至則為既斂之來日後五日而殯則定公即位士喪禮曰死日而襲厥明而小斂又厥明大斂而殯自襲至大斂雖士亦三日士踰月而葬則殯與大斂固同日矣然大記謂士二七日而嗣子即



位也即位之禮備於初喪康王既受圭飲齊朝卿士邦君而誥之自稱曰予一人則禮既成矣諸侯亦然然經必踰年然後書者禮雖成猶未正其位康王由賓階墜見諸侯于應門之內也若既踰年則踐阼負宸矣其有故而初禮或廢則踰年雖正位而不書蓋禮不成也凡經不書即位皆以故廢也天王外諸侯之即位不書內外異也惟不以正立而魯及知者則書之曰立郊望

僖三十一年夏四月四卜郊不從乃免牲猶三望

宣三年春王正月郊牛之口傷改卜牛牛死乃不郊猶三望

成七年春王正月鼯鼠食郊牛角改卜牛鼯鼠又食其角乃

免牛夏五月不郊猶三望

十年夏四月五卜郊不從乃不郊

十七年九月辛丑用郊

襄七年夏四月三卜郊不從乃免牲

十一年夏四月四卜郊不從乃不郊

定十五年正月鼯鼠食郊牛牛死改卜牛夏五月辛亥郊

哀元年春王正月鼯鼠食郊牛穀梁牛下有角字改卜牛夏四月辛

巳郊

魯頌曰皇皇后帝皇祖后稷享以騂犧是享是宜夫魯以享帝為宜則郊祀非過也蓋周之王業后稷肇之文武成之周公康之是故周使魯祀后稷以明周公功德之所本后稷配天者也於是乎郊焉孟獻子所謂郊祀后稷以祈農事是也鄭氏云三王之郊一用夏正其說見於易緯然以禮考之郊特牲則曰郊用迎長日之至明堂位則曰孟春祀帝天司樂則曰冬至祀

天子圓丘而公羊亦云正月用郊皆謂建子之月也獻子曰啓  
 蟄而郊郊而後耕左氏亦然皆謂建寅之月也惟穀梁之說則  
 自正月至於三月皆以為郊之時考於經此三月者紀郊之變  
 而不訛其郊則信乎其時矣蓋自日至以及啓蟄陽侵長而農  
 事興則報天祈穀所宜有事者也公羊二禮舉其始左氏指其  
 終過與不及皆非禮也左氏又謂禮不卜常祀而卜其牲日則  
 以郊時有常禮所必舉固無可否之疑特致嚴于牲與日耳牲  
 有二曰帝牛曰稷牛日有三曰上牢曰次牢曰季牢子服景伯  
 謂吳人曰魯以十月上牢有事于上帝先王季牢而畢自襄以  
 來未之改也然定哀之世皆以正月用郊則是魯郊未嘗以十  
 月景伯之言豈以是給吳人耶書曰類于上帝望于山川又曰  
 至于岱宗柴望秩于山川又曰柴望大告武成則古之祀天未

有不望其山川者亦未有不郊而望者故曰望郊之細也諸侯  
 所望不出其境內故魯惟三望而已矣

宗廟 視朔附

隱五年九月考仲子之宮初獻六羽

桓二年夏四月取郟大鼎于宋戊申納于太廟 三月會于稷以成宋亂

八年正月己卯燕夏五月丁丑燕

十四年秋八月壬申御廩災乙亥嘗

莊二十三年秋丹桓宮楹

二十四年春王三月刻桓宮楹

閔二年夏五月乙酉吉禘于莊公

僖八年秋七月禘于太廟用致夫人

十五年九月己卯悔震夷伯之廟

文二年二月丁丑作僖公主

八月丁卯大事于太廟躋僖公

六年閏二月不告月猶朝于廟

十三年秋七月大室屋壞公羊大  
作世

十六年夏五月公四不視朔

宣八年六月辛巳有事于太廟仲遂卒于垂壬午猶繹萬入

去籥

成三年二月甲子新宮災三日哭

六年二月辛巳立武宮

昭十五年二月癸酉有事于武宮籥入叔弓卒去樂卒事

定元年立煬宮

八年冬從祀先公

哀三年五月辛卯栢宮僖宮災

穀梁謂周公稱太廟魯公稱太室群公稱宮公羊亦然而又以

太室為世室曰世不毀也以左氏參之當為太室夫宮廟之

別摠群公言之則曰廟指一公言之則曰宮而大室則當宮廟

之中所以藏主者也舉廟則可以包宮室指宮室則不可以兼

廟故凡稱廟者皆不主于一宮也凡稱宮稱室者不徧及也蓋

禮稱七廟五廟則宮亦謂之廟詩稱闕宮則廟亦謂之宮書稱

王入太室裸則周亦謂之太室然則二傳誤矣四時之祀曰禘

祠烝嘗四時之間祀曰禘禘春秋有禘而無禘公穀以大事為

禘周官則禘禘俱無鄭氏以獻裸追享為禘饋食朝享為禘蓋

凡祀皆謂之事所以事其先也與禮所謂歲事同禘則于諸祭

為大故曰大事然則禘亦曰事而禘不曰禘何也曰事之得失

在祭則正其名以書之其得失不在是也而因是以見之則略稱事而已矣孔子曰禘自既灌而往則禘疑以裸為主傳曰合食于太祖禘疑以食為主禘所以審昭穆故禮曰禘其祖之所自出則追享疑為禘禘以除喪朝廟而列新死者故經曰大事于太廟躋僖公則朝享疑為禘凡除喪必先禘者所以明反始之義也士虞禮中月而禫是月也吉祭猶未配而特牲饋食禮筮日命筮但曰通其皇祖而不言所配則禘為除喪之先祭明矣故始虞之祝亦曰哀薦禘事以祀事於是乎始而以合先祖為安故也自除喪而禘率三年而禘五年而再禘因以為常王制天子植杓禘禘禘嘗禘烝禘商夏祭曰禘諸侯杓植禘一植一禘禘則不禘禘則不禘嘗禘烝禘夫春祭物備故不可以禘餘三特可禘然天子則與時祀偕行諸侯夏祭則廢禘言諸侯雖夏猶不能

燕享也禘則惟季夏之月蓋于歲之中舉之也諸侯夏不能禘而可以禘者禘以裸為主不必備物故也夫禘必以三特而禘惟六月則以除喪之祭急于列新死者苟可以備禮則遂舉焉故雖除于春不過踰時而遂禘若必主于一特則或曠時而不列非致盛之道也大傳曰禮不王不禘又曰大夫士禘及其高祖然則禘自天子達而禘惟王者可行今魯有禘者與郊同義夫禘本其所自出禘則及其祧主而已矣尊者所及遠卑者所及近理固然也然禘雖及遠而各禘于其宮則不若迎群主而合祀于祖之為大故禘尊而禘為大事也晉人曰以寡君之未禘祀晉之僭禮蓋不特一祀而杜氏遂以禘為天子諸侯除喪之通祭亦已誤矣

栢五年秋大雩

僖十一年秋八月大雩

十三年秋九月大雩

成三年秋大雩

七年冬大雩

襄五年秋大雩

八年秋九月大雩

十六年秋大雩

十七年九月大雩

二十八年秋八月大雩

昭三年八月大雩

六年秋九月大雩

八年秋大雩

十六年九月大雩

二十四年秋八月大雩

二十五年七月上辛大雩季辛又雩

定元年九月大雩

七年秋大雩

九月大雩

十二年秋大雩

左氏曰龍見而雩者常祀也常祀必有常處所謂舞雩之下是也曰大雩者非常也先王以謂陰陽愆伏理所必至而百穀所仰在于膏澤故先事而祈事至而不應則無憚于再舉歸于厚民而已矣故大雩雖不時不以為過凡不可過者皆常祀之

必以特舉者也或曰雩或曰旱或曰不雨穀梁謂雩得雨曰雩  
 不得雨曰旱是也左氏公羊皆以書旱為災不雨者不為災也  
 考于經凡書災必有驗于後如水旱而無穀與飢是已今日不  
 雨而無所見災焉則二說然也然自春及秋不雨則害于播種  
 豈不為災蓋天雖不雨而人事有以勝之則理或無害若乃人  
 事不至則雖無水旱而害亦及之莊公之告糴是矣或有災必  
 有驗于後則何必變文以示義曰所謂驗者災成而民罹其害  
 之謂今日旱則災固害穀矣而民容有不罹其害者若其不雨  
 則雖穀亦無所害此所以不同也

春秋五禮例宗卷第一

春秋五禮例宗卷第二

凶禮上

張氏

喪葬

天王

隱三年三月庚戌天王崩

平王

秋武氏子來求賻

桓十五年三月乙未天王崩

此後莊王  
德王不書

莊三年五月葬桓王七年

僖八年冬十有二月丁未天王崩

惠王

文八年秋八月戊申天王崩

此後頃王不書

十月公孫敖如京師不至而復丙戌奔莒

九年春毛伯來求金

二月叔孫得臣如京師辛丑葬襄王

宣二年冬十月己亥天王崩

三年正月葬匡王

三月

成五年冬十一月己酉天王崩定王

襄元年九月辛酉天王崩二年正月葬簡王

一十八年十二月甲寅天王崩灵王左傳二十九年五月葬

昭二十二年夏四月己丑天王崩

六月叔鞅如京師葬景王三月

左氏曰凡崩薨不赴則不書禍福不告亦不書懲不敬也大僕稱大喪始崩戒鼓傳達于四方定亦如之則王之崩葬皆赴告于天下大行人稱大喪詔相諸侯之禮康王之誥稱大保率西方諸侯畢公率東方諸侯則王崩諸侯來奔小宰稱喪荒受其含禭幣玉之事則王喪諸侯來贈左氏稱天子七月而葬同軌畢至則王葬諸侯來會此經常之制也春秋之特禮失其舊王崩不赴者三魯不會其葬者七則其他可知也或者疑成王甫

崩諸侯已至謂因朝事而過喪者是不然明王在上諸侯惟所以命之以令赦令之行兼日而可千里則大僕傳達疑亦甚疾侯甸男衛安有不可至者哉經書王葬五公穀曰天子志崩不志葬誤矣或曰天王或曰天子或曰王公穀謂之通稱是也何休曰天王三不書天以桓公弑君而天子錫命襄王贈人妾且會其葬皆為非禮故去天以示貶趙陸從焉范甯非之當矣然有未盡者蓋春秋書王不稱天者甚衆曰王正王子王姬王師之類何獨彼三者哉說者謂吳楚稱王故春秋加天以別之足又不然吳楚之王經未嘗志也又安用別且周官司服凡喪為天王新衰則王之加天尚矣王之為言至尊之稱也加天焉明無上也以其配天則曰天王以其繼天則曰天子三者皆至尊也以其皆至尊也故雖但曰王而不嫌于有所黜且臣之爵得

之于君故可以善而升可以罪而黜若王則得之天者也何自而黜之聖人作經所以抗王室也王之失礼正其名以見之耳未聞有黜其號以示貶者勿思而已矣

未成王

昭二十二年冬十月王子猛卒

王女

莊二年秋七月齊王姬卒

后夫人之喪皆赴后赴于天下夫人赴于隣好之國其吊葬亦畧加王與諸侯之喪然春秋不書者內外詳略之義也故穆后之喪晉荀躒如周葬晉少姜之喪魯昭公鄭伯皆往又卿共其葬事而不書于冊其或書者以魯嘗與其事故為之終也

王大夫

隱三年四月辛卯尹氏卒

左氏曰君氏

文三年五月王子虎卒

定四年七月列夔卒

七月葬列文公

諸侯之大夫卒自命卿以上則赴于隣好之國王大夫亦然然而不書者略外也卒且不書况于葬乎其或書者皆以故耳

公

隱十一年冬十一月壬辰公薨

公子暈弑之

桓十七年夏四月丙子公薨于齊

齊侯使彭生弑之

丁酉公之喪至自齊

十二月己丑葬我君桓公

莊三十二年八月癸亥公薨于路寢

閔元年六月辛酉葬我君莊公



二年秋八月辛丑公薨慶父試之

僖三十三年十二月乙巳公薨于小寢

文元年二月天王使叔服來會葬

四月丁巳葬我君僖公

文十八年春王二月丁丑公薨于臺下

六月癸酉葬我君文公

宣十七年冬十月壬戌公薨于路寢

成元年二月辛酉葬我君宣公

十八年八月己丑公薨于路寢

十二月丁未葬我君成公

襄三十一年夏六月辛巳公薨于楚宮

冬十月滕子來會葬

癸酉葬我君襄公

昭三十二年十二月己未公薨于乾侯

定元年夏六月癸亥公之喪至自乾侯

秋七月癸巳葬我君昭公

十五年五月壬申公薨于高寢

邾子來奔喪

九月滕子來會葬

丁巳葬我君定公而不克葬戊午日下吳乃克葬

穀梁曰公薨地不地故也夫人薨不地地故也公薨必地而地不必常以其有邦國之事也夫人則無外事矣不薨于寢則謹其地以明其故然所謂故者非必不以其道終凡非常者皆是也外諸侯內大夫之卒皆不地略之也其或不卒于寢則亦謹

其地所以別嫌明微也。曾子曰：吾得正而斃焉，斯已矣。君子之慎其終，蓋如此。葬者，臣子所以自盡敵以下，所以相哀之道也。故內曰我君，外曰公。

周制列爵，惟五內則天子三公，外則大國之君皆為公。書有周公、召公、畢公、三公也。制微子之命曰：庸建爾于上，公大國之君也。其餘皆自侯已下。然考于經，五等之君通可謂之公，亦通可謂之侯。公侯爵之貴者，故人以是稱之。聖人弗奪焉，所以崇敬讓也。康王之誥稱群公與儀禮通稱之公。春秋稱諸侯與餘經通稱之侯，皆兼五等之謂。以二者均為爵之貴，故雖公謂之侯而不嫌于卑，雖子男謂之公而不嫌于過也。然而班列有差，小大有宜，亦不可亂。故經于平居則正其爵，葬則從其稱，正其爵者所以明王度之不廢也，從其稱者所以示敵體之相敬也。雖

曰正其爵矣，而于盟會之總稱亦曰侯，于世族之總稱亦曰公子，公孫則其所以示敬，蓋不獨葬之時為然也。魯君侯也，而稱公，則以春秋之義也。然方在會盟，則亦或謂之諸侯矣。楚子也，而不書葬，則以稱號之階也。然方書世族，則亦皆謂之公子，此之謂兩盡。

穀梁曰：謚所以成德也。葬而後舉謚，于卒事乎加之矣。范氏謂天子崩稱天命，以謚之。諸侯薨，天子謚之，卿大夫卒受謚于其君，蓋禮大喪，大師帥，替作謚，小喪太史賜謚，卿大夫之喪，小史賜謚，瞽史知天道者則謚，所以明鬼神皆以天道正之也。太史既曰小喪，而小史又云卿大夫之喪，則小喪宜為諸侯矣。鄭氏謂小史亦以大史賜謚為節事相成失之。

未成君

莊三十二年冬十月己未子般卒慶父弑之

文十八年冬十月子卒子赤也 襄仲弑

襄三十一年秋九月癸巳子野卒

左氏曰凡在喪王曰小童公侯曰子公羊曰君存稱世子君薨稱子某既葬稱子踰年稱公由左氏之說則未葬在喪通稱曰子既葬遂稱爵不必俟踰年也由公羊之說則未葬在喪稱子某既葬猶稱子而不名必待踰年然後稱爵也考于經則左氏之說于書外可公羊之說于書內可二家不能該內外是以不通為公羊者曰先君雖葬然一年不可有二君故必踰年然後稱公若施于外則宣之十年不當有兩齊侯成之四年不當有兩鄭伯也為左氏者曰諸侯既葬則嗣子卒哭而免喪遂可以君國若施于內則子亦不當不稱公也春秋之文魯史也其義

則聖人之意也文同而義異聖人不疑焉特其意存焉耳魯君薨年之餘曰不可繼稱別公而書之曰子與外諸侯之嗣君未葬而稱子其文不得不然義豈同哉然亦有由也蓋古者先君未葬嗣君居廬未有命戒不自君其國人故未可正其為君之名曰子者對父之詞也既葬則免喪出命而臨人雖未踰年已成其為君矣故因其爵而稱之陳侯會于溫會于召陵宋公會于葵丘皆書曰子先君未葬也齊惠公卒于宣十年夏既葬冬書齊侯使國佐來聘鄭襄公卒于成四年夏既葬冬書鄭伯伐許皆未踰年而既葬也或曰未葬而踰年則如之何曰天時變于上人事革于下國不可曠年無君于是乎改元正位以承宗廟社稷之重其稱爵禮也魯僖宣昭之薨明年未葬而嗣君各改元書曰公即位衛宣穆宋文公之卒明年未葬而嗣君會伐

鄭書曰宋公衛侯此其據也杜氏以宋衛稱爵為非禮誤矣詳杜所據以毛伯求金踰年不書王命三傳謂之未葬故也夫未葬踰年不稱王命則桓王七年而後葬其間何以書王命乎毛伯之事蓋自有義非此比也該二家之例則先君未葬稱于既葬或踰年稱爵然後為通若其書內則雖葬未踰年稱于其曰于般于野者二子在喪而卒未成為君猶以公子之例書之也若夫衛成公既葬而會諸侯于泚猶且稱于與衛成公出奔其弟叔武會諸侯于踐土亦稱曰子皆春秋之變例也以彼之例書此之事然後見聖人之意或曰既葬不俟踰年稱爵則然矣而鄭莊公卒于桓十一年之夏其秋葬其九月書鄭忽奔衛上云實歸于鄭景王崩于昭二十二年之夏其六月葬其下書王猛居于皇其冬書王子猛卒又曹莊公卒于莊二十三年其明年

春葬其冬書曹羈奔陳下云亦歸于曹莒子密州弑于襄三十一年其

明年書莒展奔吳上云莒去疾入于莒鄭忽王猛皆既葬未踰年而不

稱爵曹羈莒展已踰年而不稱爵何也曰此三者雖已繼立

其位未定也羈之奔以赤爭之忽之奔以突爭之展之奔以去

疾爭之猛之出以子朝爭之赤後立是為僖公突後立是為厲

公去疾後立是為立公則羈忽展皆失位而不終者也子朝之

立雖在猛卒之後然當猛之世固不能定朝也春秋之世固有

始立而爭者然嘗能自定其位天子已命之諸侯已列之則遂

正其為君衛君剽是也其或未能自定又未命于天子未列于

諸侯則不正其為君羈忽與展是也猛立之義蓋亦如此曰王

猛則以國民與羈忽同也凡以國民者皆嘗立者也猛之卒也

謂之王子則以立而未定且不克終與忽稱世子同也凡稱于

者皆未成君者也然則國君立強者未賓出力而爭之聖人不  
 為之正其名而反因其未定遂奪其位無乃助篡乎曰是不然  
 彼立者不能自定強者爭之而能終有其國子將奪爭者之名  
 以加于彼是爭者之罪泯而彼以無國稱君也三子當立而位  
 未定彼爭者不當立而終有其國子朝雖不終無國亦非猛有各正其名以  
 書之其罪否則見乎詞焉然後天下後世可信也曰其見乎詞  
 奈何曰突亦之入不繫之國齊小白莒去疾齊陽生之入即繫之國則知羈忽之  
 當立于朝之立歸于尹氏則知王猛之當立也然則聖人之意  
 可見矣以當立而不能自定猶且如此况其不當立者乎莒展是也

夫人

隱元年秋七月天王使宰咺來歸惠公仲子之賵考公妾惠母  
 二年十二月乙卯夫人子氏薨

莊二十一年七月戊戌夫人姜氏薨桓夫人莊母

二十二年正月癸丑葬我小君文姜

僖元年秋七月戊辰夫人姜氏薨于夷齊人以歸莊夫人閔嫡母

十二月丁巳夫人氏之喪至自齊

二年夏五月辛巳葬我小君哀姜

文四年冬十一月壬寅夫人風氏薨莊公妾僖公母

五年正月王使榮叔歸含且賵

三月辛亥葬我小君成風

王使召伯來會葬穀作毛

九年冬秦人來歸僖公成風之櫝

十六年秋八月辛未夫人姜氏薨僖夫人文母

十七年夏四月癸亥葬我小君聲姜

宣八年六月戊子夫人嬴氏薨

文二妃宣公嫡母出姜夫歸穀作熊氏

冬十月己丑葬我小君敬嬴而不克葬庚寅日中而克葬

穀作頃熊

襄二年夏五月庚寅夫人姜氏薨

成夫

七月己丑葬我小君齊姜

四年秋七月戊子夫人妣氏薨

成公妻襄母

八月辛亥葬我小君定妣

九年五月辛酉夫人姜氏薨

宣夫人成母

秋八月癸未葬我小君穆姜

昭十一年五月甲申夫人歸氏薨

襄夫人昭母

九月己亥葬我小君齊歸

定十五年七月壬申妣氏卒

定公妾哀母穀作代氏

九月辛巳葬定妣

穀作定七

哀十二年夏五月甲辰孟子卒

昭夫人

士死于適室復畢乃赴于君使人吊禭之將葬遷于廟既祖而後贈贈者進焉卒室乃反哭三虞卒哭明日以其班祔士既然則天子諸侯后夫人宜亦皆然矣蓋士死于適室則知天子諸侯終于路寢后夫人終于內寢也士赴于君則知天子及后赴于天下諸侯及夫人赴于王與隣好之國也士將葬遷于廟已葬反哭卒哭而祔則知天子以下其禮之序亦然也有一不備則不為成禮故左氏于夫人之喪互見其義蓋不獨夫人為然也然其不曰夫人不言薨不書葬者各主其事之是非耳凡喪禮其貝玉曰含反其精也衣衾曰禭遂其往也幣馬曰賵周于死也貨財曰賻助于生也含禭正施于歛賵賻正施于葬通

言之皆曰贈知死者贈禮知生者贈賻

公女

莊四年三月紀伯姬卒

六月乙丑齊侯葬紀伯姬夏紀侯文去其國

二十九年十二月紀叔姬卒惠女歸于衛者

三十年八月癸亥葬紀叔姬

僖九年秋七月乙酉伯姬卒未適

十六年夏四月丙申鄆季姬卒

文十二年二月庚子子叔姬卒

成八年冬十月癸卯杞叔姬卒宣公女五年來歸

九年正月杞伯來逆叔姬之喪以歸

襄三十年五月甲午宋災宋伯姬卒宣公女

七月叔弓如宋葬宋共姬

公羊謂外夫人不書卒葬適諸侯則尊同以為之葬卒之也女子許嫁笄而字之死則以成人之喪治之其書葬者皆有故也夫王姬下王后一等則公女亦下夫人一等王姬嫁于諸侯為下嫁則公女嫁于大夫亦為下嫁諸侯則為尊于內女故內女書卒視大夫為外夫人則書卒書葬視諸侯嫁而不書卒葬者不赴不會也公羊誤矣

內大夫

隱元年冬十二月公子益帥卒

五年冬十二月辛巳公子彊卒

八年冬十二月無駭卒

九年三月挾卒

莊三十二年秋七月癸巳公子牙卒

僖十六年三月壬申公子季友卒

秋七月甲子公孫茲卒

文十年三月辛卯臧孫辰卒

八年公孫敖奔莒十四年九月甲申公孫敖卒于齊

十五年夏齊人歸公孫敖之喪

宣五年秋九月叔孫得臣卒

八年六月公子逆如齊至黃乃復卒已有事于太廟仲遂

卒于重壬午猶繹萬人去籬

十七年冬十一月壬午公弟叔貜卒

成四年夏四月甲寅臧孫許卒

十五年三月乙巳仲嬰齊卒

十七年冬十一月壬申公孫嬰齊卒于貍脰魯地

襄五年十二月辛未季孫行父卒

十九年八月丙辰仲孫蔑卒

二十二年秋七月辛酉叔老卒

二十三年八月己卯仲孫速卒

三十一年九月己亥仲孫羯卒

昭四年冬十二月乙卯叔孫豹卒

七年冬十一月癸未季孫宿卒

十五年十一月癸酉有事于武宮籬入叔弓卒去樂卒事

二十一年八月乙亥叔輒卒

二十三年正月癸丑叔鞅卒

二十四年春二月丙戌仲孫纁卒



二十五年冬十月戊辰叔孫婁卒

二十九年夏四月庚子叔詣卒

定五年六月丙申季孫意如卒

秋七月壬子叔孫不敢卒

哀三年秋七月丙子季孫斯卒

君之卿佐國之貳也存亡所繫國實與焉故經悉書之周制卿大夫之喪天子吊之其斂哭之事則皆掌于王官以天子過其臣之禮如此則諸侯可知也士喪禮君若有賜則視大斂以君過士之禮如此則卿大夫可知也然君子不親吊不視小斂則士下于大夫故也左氏謂君不與小斂故不書日杜氏曰所以示厚薄戒將來也據經叔孫婁叔詣之卒昭公在外公孫敖仲遂公孫嬰齊之卒喪在外然皆書日杜氏謂公在外則非無

恩喪在外則不責人以所不得也夫以書日為厚以不書為無恩則是日月有褒貶之義矣而杜氏又謂春秋不以日月為例此獨記日未足以褒貶人君自相戾何哉若不以日月為例且無褒貶則卿卒不日是時記不小斂耳既特記不小斂則凡在外者又何必書日以明非君無恩邪子赤公子之為嗣君者也其卒亦不書日則史之失載如此多矣何獨于卿而遂以為例乎臧僖伯之卒也隱公葬之加一等則卿葬亦國之事而不書者其得失非足以繫國且葬臣子所以自盡敵以下所以相哀之道也故不以累君

諸侯

隱三年八月庚辰宋公和卒 十二月癸未葬宋穆公

七年三月滕侯卒

八年夏六月己亥蔡侯考父卒 八月葬蔡宣公

六月辛亥宿男卒

栢五年正月甲戌己丑陳侯鮑卒 再 夏葬陳栢公 脫

十年正月庚申曹伯終生卒 夏五月葬曹栢公

十一年夏五月癸未鄭伯寤生卒 秋七月葬鄭莊公

十二年八月壬辰陳侯躍卒

十一月丙戌衛侯晉卒

十三年三月葬衛宣公

十四年冬十二月丁巳葬齊僖公

十七年六月丁丑蔡侯封人卒

八月癸巳葬蔡栢侯 杜云終侯誤

莊元年冬十月乙亥陳侯林卒

二年二月葬陳莊公

二年十二月乙酉宋公馮卒

三年夏四月葬宋莊公

十六年十二月邾子克卒

二十一年夏五月辛酉鄭伯突卒 冬十二月葬鄭厲公

二十三年冬十一月曹伯射姑卒

二十四年三月葬曹莊公

二十五年夏五月癸丑衛侯朔卒 惠公

二十八年夏四月丁未邾子瑱卒

三十一年四月薛伯卒

僖四年夏許男新臣卒 卒于會侵 蔡之師 八月葬許穆公

七年秋七月曹伯般卒 左般 作班 冬葬曹昭公 脫月

九年三月丁丑宋公御說卒

九月甲子晉侯佹諸卒獻公

十二年冬十二月丁丑陳侯杵臼

十三年夏四月葬陳宣公

十四年冬蔡侯貜卒

十七年冬十二月乙亥齊侯小白卒

十八年秋八月丁亥葬齊桓公

二十三年夏五月庚辰宋公茲父卒襄公

冬十一月杞子卒莊二十七年  
稱伯

二十四年冬晉侯夷吾卒

二十五年四月癸酉衛侯燬卒

二十七年夏六月庚寅齊侯昭卒

秋葬衛文公

秋八月乙未葬齊孝公

二十八年六月陳侯款卒

三十二年夏四月己丑鄭伯捷卒

冬十二月己卯晉侯重耳卒

三十三年四月癸巳葬晉文公

文五年冬十月甲申許男業卒

六年春葬許僖公晚月

六年八月乙亥晉侯驩卒

冬十月公子遂如晉葬晉襄公

七年夏四月宋公王臣卒

九年秋八月曾伯襄卒 冬葬曾共公晚月

十三年夏五月壬午陳侯朔卒

邾子蓬蔭卒

十四年夏五月乙亥齊侯潘卒

十八年二月秦伯瑩卒

宣三年冬十月丙戌鄭伯蘭卒 葬鄭穆公

四年春正月秦伯稻卒

九年八月滕子卒

九月辛酉晉侯黑臀卒于扈 晉地與宋公衛侯鄭伯會于扈

冬十月癸酉衛侯鄭卒

十年夏四月己巳齊侯元卒公如齊五月公至自齊

六月公孫歸父如齊葬齊惠公

十四年夏五月壬申曾伯壽卒 九月葬曹文公

十七年春正月庚子許男錫我卒 夏葬許昭公 脫月

正月丁未蔡侯申卒

夏葬蔡文 脫月

十八年秋七月甲戌楚子旅卒 莊王

成二年八月壬午宋公鮑卒

二年二月乙亥葬宋文公

二年八月庚寅衛侯遫卒

三年正月辛亥葬衛穆公

四年三月壬申鄭伯堅卒 夏四月葬鄭襄公

六年六月壬申鄭伯費卒

九年秋七月丙子齊侯無野卒 冬十一月葬齊頃公

十年五月丙午晉侯儒卒

十三年五月會伐秦曹伯廬卒于師 冬葬曹宣公 脫月

十四年正月莒子朱卒

冬十月庚寅衛侯疾卒

十五年二月葬衛定公

秦伯卒 同衛侯卒之月

十五年夏六月宋公固卒

秋八月庚辰葬宋共公

十六年夏四月辛未滕子卒

十七年十二月邾子貜且卒

襄二年六月庚申鄭伯論卒

四年春三月己酉陳侯午卒 七月葬陳成公

六年三月壬午杞伯姑容卒 秋葬杞桓公 脫月

七年十二月會于鄆鄭伯髡頑如會未見諸侯丙戌卒于郟

八年夏葬鄭僖公 脫月

十二年秋九月吳子乘卒

十三年九月庚辰楚子審卒

十五年冬十一月癸亥晉侯周卒

十六年正月葬晉悼公

十七年春二月庚午邾子貜卒

十八年冬十月會圍齊曹伯負芻卒于師

十九年春正月葬曹成公

十九年秋七月辛卯齊侯環卒 冬葬齊靈公 脫月

二十三年己巳杞伯匄卒 夏葬杞孝公 脫月

二十五年十二月吳子遏伐楚門于巢卒

二十六年八月壬午許男甯卒于楚 請楚伐鄭冬葬許靈公 脫月

二十八年十二月己未楚子昭卒

二十九年五月庚午衛侯衎卒

秋九月葬衛獻公

昭元年六月丁巳邾子華卒

秋葬邾悼公脫月

冬十一月己酉楚子麇卒

三年春正月丁未滕子原卒 夏叔弓如滕五月葬滕成公

五年七月秦伯卒

六年正月葬秦景公

六年春正月杞伯益姑卒

夏葬杞文公脫月

七年秋八月戊辰衛侯惡卒 十二月癸亥葬衛襄公

八年夏四月辛丑陳侯溺卒

十月國為楚所滅

十月葬陳哀公

十年七月戊子晉侯彪卒

九月叔孫婁如晉葬晉平公

十二月甲子宋公成卒

十一年二月叔弓如宋葬宋平公

十二年三月壬申鄭伯嘉卒

五月葬鄭簡公

十四年三月曾伯滕卒

秋葬曾武公脫月

八月莒子去疾卒

十五年春正月吳子夷末卒

十六年秋八月己亥晉侯夷卒

九月季孫意如如晉冬十月葬晉昭公

十八年春三月曾伯涇卒

秋葬曾平公脫月

二十年十一月辛卯蔡侯廬卒

二十一年三月葬蔡平公

二十三年夏六月蔡侯東國卒于楚

二十四年八月丁酉杞伯郁釐卒 冬葬杞平公脫月

二十五年十一月己亥宋公佐卒于曲棘宋地

二十六年正月葬宋元公

二十六年九月庚申楚子居卒

二十七年冬十一月曾伯午卒

二十八年三月葬曾悼公

二十八年夏四月丙戌鄭伯寧卒

秋七月癸巳滕子寧卒

三十年夏六月庚辰晉侯去疾卒

三十一年夏四月丁巳薛伯穀卒

定三年二月辛卯邾子穿卒

四年春二月癸巳陳侯吳卒

同年三月會于召陵五月杞伯成卒于會七月葬杞悼公

八年三月曾伯露卒

七月葬曾靖公

六月葬鄭定公

冬葬滕悼公 脫月

八月葬晉頃公

秋葬薛獻公 脫月

秋葬邾莊公 脫月

六月葬陳惠公

秋七月戊辰陳侯柳卒

九月葬陳懷公

九年夏四月戊申鄭伯蠆卒

六月葬鄭獻公

秋秦伯卒

冬葬秦哀公 脫月

十二年春薛伯定卒

夏葬薛襄公 脫月

十四年五月吳子光卒

哀二年夏四月丙子衛侯元卒

十月葬衛靈公

三年冬十月癸卯秦伯卒

四年二月葬秦惠公

四年秋八月甲寅滕子結卒

十二月葬滕頃公

五年秋九月癸酉齊侯杵臼卒

冬叔還如齊閏月葬齊景公

六年秋七月庚寅楚子軫卒

八年冬十二月癸亥杞伯過卒

九年二月葬杞僖公

十年三月戊戌齊侯陽生卒

五月葬齊悼公

五月薛伯夷卒

秋葬薛惠公脫月

十一年秋七月辛酉滕子虞母卒

十月葬滕隱公

十三年夏許男成卒

秋葬許元公脫月

曲禮言天子曰崩諸侯曰薨大夫曰卒士曰死故說者謂春秋  
貶外以尊內外諸侯卒與內大夫同文然則聖人豈私尊魯哉  
崩之為言以其高也天子者高之至也下此則非其王故惟天  
子可以言崩若其所謂薨也卒也死也則通上下之詞也孔子  
曰何必高宗古之人皆然君薨百官總已以聽于冢宰書曰公  
薨成王葬于畢則天子諸侯通曰薨孟子曰舜卒于鳴條文王  
卒于畢郢則天子諸侯大夫通曰卒舜典曰陟方乃死論語有  
景公死之日大司樂曰大臣死則弛縣則天子諸侯大夫通曰  
死事固有名同而實異名異而實同者苟無不可聖人莫之

變焉知其同異不相廢也以其同異不相廢之故外君與內大  
夫同謂之卒而不嫌于有所貶內君與夫人獨謂之薨而不嫌  
于有所私特以內外欲其辭故假此以定其詞耳  
左氏曰凡諸侯同盟于是稱名故薨則赴以名赴以名則書之  
不然則否辟不敏也信斯言則君赴當稱名而禮載赴詞曰寡  
君不祿春秋之時其制雖不能盡合于古然以情文揆之君始  
沒而臣斥其名以告于外疑非哀敬之道也謂之禮經誤矣然  
諸侯之名不可徧知也惟同盟然後見于載書故其來赴則得  
書于冊且以示易世之實又凡來赴者不過隣好之國隣則相  
習好則相遠非是則雖赴亦闕所不知故書名不必同盟苟可  
知焉則志之也天子魯君不名則以明尊親之義且一而不疑  
故禮曰諸侯不生名失地則名滅同姓則名以經考之書稱曰



飯君與詩稱召虎則生且名之矣楚滅夔蔡滅沈皆滅同姓也衛侯奔楚邾伯來奔皆失地也而不名則禮說非也天子君天下者也死與為敵故不名諸侯則各君其國者也以其有君道故平居亦不名有所降則名之下於天子故也王采地之大夫與附庸之君凡未爵命于天子者則不盈于君道矣雖不盈于君道然異于列臣故平居則稱字有所降則名之夫字親所命也爵君所命也故稱爵則不稱字明爵尊于字也諸侯之大夫則卑矣故平居則族而名之有所降則舍族惟天子尹宰及公之孤特貴故又以其官加之所以別列臣也天子大上者也褒貶不加其身有所見則借詞以明義諸侯與大夫之爵皆受于其君者已非君誰能黜陟之故諸侯善則進其詞以爵不得而加也有所降則名之大夫善則稱其字以字尊于族也有所

降則去族夫爵莫卑于子男然君道也故春秋所書自子男以上其平居皆不名諸侯之世子諸侯之卿天子之中下大夫與士其命數皆不逮子男則其名之禮也穀梁曰臣既死君不忍稱其名禮曰國君不名卿老而何休有五不名之義考于經公孫敖既卒而名魯大夫雖歷數世而名則是未可知也若乃高宗之于伊尹成王之于周公則又有所謂賓之而弗臣者矣鄭游吉曰先王之制諸侯之喪士乎大夫送葬惟嘉好聘享三軍之事于是乎使卿子大叔曰文襄之霸也君薨大夫乎卿共葬事夫人士乎大夫送葬考之周禮天子公卿大夫之喪則宰夫掌之諸侯之喪則職喪掌之宰夫下大夫也職喪士也公卿體國者也故其喪則宰夫與職喪帥官有司而治之大夫乎焉大夫僕亦下大夫也大夫則卑矣不皆自往使其旅帥有司

治之而不臣乎焉小臣下士也若諸侯則雖職喪亦不自往使國有司以王命蒞事而已矣至于諸侯自相為之禮則止然春秋之時天子所遣以喪禮至魯者或卿宰或大夫士不知果合于職喪所謂國有司者乎然國有司既受令于士則又非卿大夫明矣游吉之言必或有據與于大叔所謂文襄之時固又不同則周衰禮法廢缺特君出意而為之未必合于先王也傳以秦景公之喪大夫送葬為禮又稱歸齊之薨晉士送葬以游吉之言為正則魯為得禮而晉為少殺矣然經于二者皆不書其人則以非卿故也魯之喪惟王人來會大國則卿未嘗至小國則君或自來然則豈有定制哉

外大夫

莊二十七年秋公子友如陳葬原仲

春秋五禮例宗卷第二

春秋五禮例宗卷第三

凶礼下

張氏

弑殺葬

外弑君

滅執以殺以用三見執門

隱四年二月戊申衛州吁弑其君完

九月衛人殺州吁于濮

五年夏四月葬衛桓公

桓二年正月戊申宋督弑其君與夷及其大夫孔父

六年蔡人殺陳佗

左傳五年陳侯鮑卒文公于佗殺太子免而代之

莊八年冬十一月癸未齊無知弑其君諸兒

九年春齊人殺無知

七月丁酉葬齊襄公

十二年八月甲午宋萬弑其君捷及其大夫仇牧

十月萬奔陳左傳宋請于陳

僖十年正月晉里克弑其君卓及其大夫荀息

夏晉殺其大夫里克

文元年十月未楚世子商臣弑其君頤

十四年九月齊公子商人弑其君舍

十六年十一月宋人弑其君杵臼

十八年五月戊戌齊人弑其君商人

冬莒弑其君庶其

宣二年九月乙丑晉趙盾弑其君夷臯

四年六月乙酉鄭公子歸生弑其君夷

十年五月癸巳陳夏徵舒弑其君平國

十一年十月楚人殺陳夏徵舒 十二年春葬陳靈公

十八年秋九月邾人戕鄆子于鄆

成十八年正月庚申晉弑其君州蒲

襄二十五年五月乙亥齊崔杼弑其君光

二十六年二月辛卯衛甯喜弑其君剽

二十七年夏衛殺其大夫甯喜

二十九年五月閻弑吳子餘祭

三十年夏四月蔡世子般殺其君固 十月葬蔡景公

三十一年十一月莒人弑其君密州

昭十一年夏四月丁巳楚子虔誘蔡侯般殺之于申

十三年冬十月葬蔡靈公

十三年四月楚公子比自晉歸于楚弑其君虔于乾谿

楚公子棄疾殺公子比

十六年春楚子誘戎蠻子殺之

十九年夏五月戊辰許世子止弑其君買 穀梁曰止未踰年而死

冬葬許悼公

二十七年夏四月吳弑其君僚

定十三年冬薛弑其君比

哀四年二月庚戌盜弑蔡侯申

十二月葬蔡昭公左氏夏蔡人弑賊

六年秋齊陳乞弑其君荼

外未成君

僖九年冬晉里克殺其君之子奚齊公羊殺作弑

左氏曰凡弑君稱君君無道也稱臣臣之罪也公羊曰大夫弑

君稱名氏微者窮諸人賤者窮諸盜其稱國者衆詞也穀梁曰

稱國以弑其君也惡甚矣夫弑君天地之大惡人倫之所棄也

君雖無道臣必蒙首惡之誅所以定名分遏禍亂也今以君無

道而略弑賊之名則是君可得而殘矣豈聖人意哉凡弑者難

生于一人則斥其名合衆力以行之則稱人假國勢以行之則

稱國人臣假國之靈以取重而反以其重危其君此之謂大惡

然則惡大矣而沒其名豈不利于為惡者哉夫國人君之而已

獨致難焉則惡其名之彰徹聖人于是名之名之則其罪顯力

足以使衆權足以用國以此危其君則將以有為也聖人于是

沒其名沒其名則其罪深夫春秋非特錄善惡之實而已也

其文則存乎史其義則見乎經故由其文則名雖沒而不憂後

世之無所考由其義則凡不即史者聖人之意也凡諸侯不以

道終于下曰弑于兵曰滅殘之曰戕尸之曰用于敵國曰殺重

君變也大夫公子不以其道死皆曰殺略臣事也

公羊曰君弑而賊不討則不書葬以謂其國無臣子也然則賊

已討而不書葬者魯不會也何以知其然魯之魯則非不葬也

而不書則以賊不討故也宋公捷衛侯剽之賊討矣而不書葬

則以魯不會故也夫弑而不討固臣子之罪然有可討者有不  
 可討者弑而篡之位未及定未命于天子未會于諸侯國人殺  
 之聖人與焉書曰某人殺某是也知州無既命于天子既會于  
 諸侯而位既定矣國人殺之聖人不與書曰某人弑其君是也  
 是衛剽此可討不可討之義也夫奪君之國而有之其罪顯且大  
 故不俟貶絕而惡見然天子已命之諸侯已列之則成其為君  
 成其為君而國人又加戮焉則是君無時而定位國無時而難  
 息也故復被以弑君之名夫使篡人得正其名為君者是天子  
 諸侯之過也若國人已君之則又安得加戮雖不可加而其  
 罪則不為之不書篡之類不抵其罪以存善惡之戒不戮其成君  
 以息爭奪之難聖人之微意也陳恒弑君孔子請討之則凡弑  
 者內外皆得以討今不討而會之故曰諸侯之過也乃若魯桓

公見殺于齊蔡靈公見殺于楚則以敵國非所以言弑故不以  
 討罪而葬也

王殺大夫

宣十五年王札子殺召伯毛伯

襄三十年五月天王殺其弟佖夫

內殺大夫

僖二十八年春公子買戍衛不卒戍刺之

成十六年十二月乙酉刺公子偃

外殺大夫

莊九年九月齊人取子糾殺之

二十二年正月陳人殺其公子御寇

二十六年夏曹殺其大夫

殺弑七見弑門  
執以殺二見執門  
因弑被殺  
三見弑門

僖五年春晉侯殺其世子申生

七年夏鄭殺其大夫申侯

十一年春晉殺其大夫平鄭父

二十五年夏宋殺其大夫

二十八年四月楚殺其大夫得臣

三十年秋衛殺其大夫元咺及公子瑕

文六年十月晉殺其大夫陽處父

七年四月宋人殺其大夫

八年十月宋人殺其大夫司馬

九年二月晉人殺其大夫先都

三月晉人殺其大夫士穀及箕鄭父

十年夏楚殺其大夫宜申

宣九年冬陳殺其大夫洧冶

十三年冬晉殺其大夫先穀

十四年衛殺其大夫孔達

成八年夏晉殺其大夫趙同趙括

十五年秋宋殺其大夫山

十六年六月楚殺其大夫公子側

十七年十二月晉殺其大夫卻錡卻犇卻至

十八年春正月晉殺其大夫胥童

齊殺其大夫國佐

襄二年冬楚殺其大夫公子申

五年秋楚殺其大夫公子壬夫

十年冬盜殺鄭公子駢公子發公孫輒

十九年秋齊殺其大夫高厚

鄭殺其大夫公子嘉

二十年秋蔡殺其大夫公子燮

二十二年冬楚殺其大夫公子追舒

二十三年夏陳殺其大夫慶虎及慶寅

冬晉人殺欒盈

奔入

二十六年秋宋公殺其世子痤

三十年秋鄭人殺良霄

奔入

昭二年秋鄭殺其大夫公孫黑

五年春楚殺其大夫屈申

八年春陳侯之弟招殺陳世子偃師

秋陳人殺其大夫公子過

冬十月楚師滅陳執陳公子招放之于越殺陳孔吳

十二年五月楚殺其大夫成熊

十四年冬莒殺其公子意恢

二十年秋盜殺衛侯之兄縶

二十七年四月楚殺其大夫卻宛

哀二年十一月蔡殺其大夫公子駟

四年夏蔡殺其大夫公孫姓公孫霍

十三年十一月盜殺陳夏區夫

公羊曰稱國以殺者君殺大夫之辭也穀梁曰稱國以殺無罪也又曰罪累上也稱人以殺有罪也左氏曰殺大夫不稱名衆也且言非其罪也夫大夫之罪不登于死而君殺之徒以有國之威耳故謂之君殺大夫蔡丘之盟無專殺大夫意



此謂也其曰罪累王者以繫之君也大夫有罪國人皆曰可殺  
 于是殺之則稱人此與衆棄之義也大夫生死皆名雖曰無  
 罪而死亦必名之所以正君臣之分其是非不在此也殺而不  
 名雖曰衆也然晉鄭一日殺三卿而經并書其名則曾宋之卿  
 亦未必衆也特以彼不告故不得而詳耳然卿與大夫異位而  
 皆曰大夫盟會以周官大夫有中下而無上則卿者上大夫故  
 也或曰大夫或曰公子或曰世子或曰兄弟穀梁謂公子未  
 命為大夫者然其重視大夫君之世嫡曰世子母昆弟曰兄弟  
 其見殺也不以有罪無罪皆斥其君以明親之道也彼無罪  
 而君殺之君夫其親彼有罪而致殺彼夫其親然周制同姓  
 之罪不即而致刑于甸師焉不與國人慮之也為人君而  
 自賊其類不祥莫大焉

災變

日食

隱三年春王二月己巳日有食之

桓三年秋七月壬辰朔日有食之既

十七年冬十月朔日有食之

莊十一年春王三月日有食之

二十五年六月辛未朔日有食之鼓用牲于社

二十六年十二月癸亥朔日有食之

三十年九月庚午朔日有食之鼓用牲于社

僖五年九月戊申朔日有食之

十二年春王三月庚午日有食之

十五年夏五月日有食之

文元年二月癸亥日有食之

十五年六月辛丑朔日有食之鼓用牲于社

宣八年七月甲子日有食之既

十年夏四月丙辰日有食之

十七年六月癸卯日有食之

成十六年六月丙寅朔日有食之

十七年十二月丁巳朔日有食之

襄十四年二月乙未朔日有食之

十五年八月丁巳日有食之

二十年十月丙辰朔日有食之

二十一年九月庚戌朔日有食之

冬十月庚辰朔日有食之

二十三年春王二月癸酉朔日有食之

二十四年七月甲子朔日有食之既

八月癸巳朔日有食之

二十七年十二月乙亥朔日有食之

昭七年四月甲辰朔日有食之

十五年六月丁巳朔日有食之

十七年六月甲戌朔日有食之

二十一年七月壬午朔日有食之

二十二年十二月癸酉朔日有食之

二十四年五月乙未朔日有食之

三十一年十二月辛亥朔日有食之

定五年春王三月辛亥朔日有食之

十二年十一月丙寅朔日有食之

十五年八月庚辰朔日有食之

凡日月之會有當交而食者陰陽之數然也有不應食而食者變異之所出也夫陽不勝陰則日為之食是以人君惡之先王克謹天戒設官置史以先之自堯舜以來未之改也或失其職則以為大戮故左氏謂天子有日官諸侯有日御其不書日者官失之而義和廢時亂日則夏后征焉春秋之時官廢不舉所書日食或失其甲子或失其晦朔聖人不加損焉以示過也然春秋不以日月為例而此獨以不書為失則以日之食也必在于朔而晦朔必由甲子然後可推今既曰朔矣則是知其甲子也既知其甲子矣則是知其為晦朔也然或書朔而無甲子或書甲子而無朔或兩不書為足以明日官日御之過而

異乎餘事之繫乎日月者也餘事不繫之以日月則前史所關雖孔子不可得而知非若日食之存乎度數者可考故也夫春秋不以日月為例何也曰日月記事之常體本無可以示義之意先儒之說雖多然考其所書雜然不可為之典要故或時而不月或月而不時或有時與日而無月僖二十八年或有月而無時桓十七昭或全年無月凡五或全年無日凡五或無事書首月以其四時亦或不具者桓四年七年時月日皆備惟襄公三十年一旦聖人不務彌縫其闕則以褒貶所寄不在此也

晦朔附

僖十五年九月乙卯晦

十六年春王正月戊申朔

二十二年冬十一月己巳朔  
成十六年六月甲午將

星

莊七年夏四月辛卯夜怕星不見夜中星隕如雨  
文十四年秋七月有星孛入于北斗  
昭十七年冬有星孛于大辰  
哀十三年冬十一月有星孛入于東方

霜

僖三十三年十二月隕霜不殺草李梅實  
定元年冬十月隕霜殺菽  
雪 一見震雷門  
桓八年冬十月雨雪

僖十年冬大雨雪

昭四年春王正月大雨雪  
左作雹穀注云亦作雹

震電

隱九年三月癸酉大雨震電庚辰大雨雪  
僖十五年九月己卯晦震夷伯之廟

雹

僖二十九年秋大雨雹  
昭三年冬大雨雹

雨

莊三十一年冬不雨  
僖二年冬十月不雨  
三年春王正月不雨

春秋左傳卷之...

卷之三

康平舍

夏四月不雨

六月雨

文二年自十二月不雨至于秋七月

十年自正月不雨至于秋七月

十三年自正月不雨至于秋七月

旱

僖二十一年夏大旱

宣七年秋大旱

水

桓九年秋大水

十三年夏大水

莊十年秋大水

十一年秋宋大水

二十四年八月大水

二十五年秋大水鼓用牲于社于門

宣十年秋大水

成五年秋大水

襄二十四年秋七月大水

凶年

莊七年秋無麥苗

二十八年冬大無麥禾

減孫辰告糴于齊

宣十年冬飢

十五年冬飢

襄二十四年冬大飢

定三年夏歸粟于蔡

四年秋楚人圍蔡

春秋左傳卷之三

康平舍

凶年一也或以祈無書或以飢書，祈無者民未必飢也而上有所乏至于飢則上下墮矣

冰

桓十四年春正月無冰

成元年二月無冰

十六年春王正月雨水冰

襄二十八年春無冰

火 宮廟三見本門

莊二十年夏齊大災

僖二十年五月乙巳西宮災

宣十六年夏成周宣榭火

襄九年春宋災

三十年五月甲午宋災冬晉人齊人宋人衛人鄭人曹人莒人邾人滕人薛人杞人小邾人會于澶淵宋災故

昭九年夏四月陳災

十八年五月壬午宋衛陳鄭災

定二年夏五月壬辰雉門及兩觀災 冬新作

哀四年六月辛丑亳社災

左氏曰凡火天曰災人曰火，之所及者小則人可為也至于所及廣則宜非人力所能為故謂之災謂之災則乎卹之礼行焉公羊以為國邑之辭誤矣

地

文九年九月癸酉地震

襄十六年五月甲子地震

昭十九年五月己卯地震

二十三年八月己未地震

哀三年四月甲午地震

山石

僖十四年秋八月辛卯沙鹿崩

十六年正月戊申朔隕石于宋五

成五年夏梁山崩

蝻

桓五年秋蝻

僖十五年八月蝻

成三年秋雨蝻于宋

八年冬十月蝻

宣六年秋八月蝻

十三年秋蝻

十五年秋蝻

襄七年八月蝻

哀十二年冬十二月蝻

十三年九月蝻

十二月蝻

螟

隱五年九月螟

八年九月螟

莊六年秋螟

雜蟲

莊十八年秋有彗

二十九年秋有蜚

宣十五年冬螽生

禽獸

莊十七年冬多麋

僖十六年正月戊申朔隕石于宋五是月六鷄退飛過宋都

昭二十五年夏有鸛鶴來巢

左氏曰凡物不為災不書夫螽蟘麋螻固害物矣而蜚鷄鸛鶴則非能為災者也公羊有記災記異之辨是矣

春秋之書變異為傳者其說不同聖人果以人事測天子曰天地與人其類既殊其事相遠非有語言臭味可相交際而得之也然至其變見景象惟忒之物動乎其間則君子恐懼修省而

弗敢忽焉是故天大雷電以風書志成王之畏日食震電川沸

山崩詩刺幽王之亂而雉鼎之雉同類之禾共生之桑穀聖人存之以示戒而于春秋尤詳焉以謂天地之道雖幽微遠甚而

其氣類發越託于象類者必皆有以召之然聖人不主名其所以召之者以謂不可知也吾見天地之行有異也曰是必人事

之有失云耳吾將推人事之失以合天意而不知其果合與否也曰是不可必存之以示戒云耳及後之為說者不然曰天地

之異如此吾必求所以當之者昔為某事今有某應于是傳會白黑棄捐度數而務通其意之所同至其不合也則遷

就以益之誣天罔民莫大于此吾知其所本矣蓋為傳者之過也夫為傳者不深求聖人所以必書之意而板援慎窻卜祝

之言以為說凡日星有譎必曰今茲某國之君盍當其變或





原件短缺

卷4-6

水或旱盍係其應又或緣某事而生或因某言而息嗚呼天道果如是其謬耶蓋其間固有度教所絕不得不然者有陰陽錯盍不可以度教求者有非常而興者聖人兼而舉之以見天道之多變以明吉凶之無常非必指事以為應也洪範五徵雖主于五事然五事之所該有不可勝窮者矣夫既或係于度教不得不然則其以變異書何也曰由度教而然者常也其不可以度教求者異也即其常則足以見其異是故而不相廢焉不然則當時諸侯其教十百事之善否日固萬變苟一國之君一事之失而必譎見于天則天事亦已勞矣

春秋五禮例宗卷第三

先

序  
木  
舎

圖書

簡

卷  
三





十四年秋大蒐于比蒲  
哀十四年春西狩獲麟

春曰蒐夏曰苗秋曰獮冬曰狩經書蒐狩而不及苗獮則以苗獮皆如蒐田之法故耳且四時之田莫先于蒐莫備于狩于足焉有失則書之其餘雖失未足道也猶之四時之祭獨舉燕嘗則以春夏物不備雖有失焉未害于禮之成也凡禮以其常舉之則無大小之異其曰大者皆越其常者也  
城

內

隱七年夏城中丘

九年夏城郎

栢五年夏城祝丘

十六年冬城向

莊二十九年十二月城諸及防

文七年春公伐邾取須句遂城郟

二年冬季孫行父帥師城諸及郟

宣八年冬十月城平陽

成四年冬城鄆

九年十一月城中城

襄七年夏四月城費

十二年冬城防

十五年夏季孫宿叔孫豹帥師城成郟

十九年冬城西郟

城武城

定六年冬城中城

十二年夏叔孫州仇帥師墮郕

季孫斯仲孫何忌帥師墮費

十四年秋城莒父及霄

五年冬城漆

哀三年五月季孫斯叔孫州仇帥師城啓陽

四年夏城西郛

五年春城毗

六年春城邾瑕

外內與外同城並見此門

莊三十二年春城小穀

僖元年夏六月邾遷于夷儀齊師宋師曹師城邾

二年正月城楚丘

十四年春諸侯城緣陵

襄二年冬仲孫蔑會晉荀瑩齊崔杼宋華元衛孫林父曹人

邾人滕人薛人小邾人于戚遂城虎牢

二十九年夏仲孫羯會晉荀盈齊高止宋華元衛世叔

儀鄭公孫段曹人莒人邾人滕人薛人小邾人城杞

昭三十二年冬仲孫何忌會晉韓不信齊高張宋仲突衛

世叔申鄭國參曹人莒人薛人杞人小邾人城成周

興築 毀附

莊九年冬浚洙

二十八年冬築郕

二十九年春新延廡

三十一年春築臺于郎

夏四月築臺于薛

秋築臺于秦

僖二十年春新作南門

文十六年八月毀泉臺

成十八年秋築鹿囿

昭九年冬築郎囿

定二年冬新作雉門及兩觀 夏災

十三年夏築地淵囿

左氏曰凡邑有宗廟先君之主曰都無曰邑。曰築都曰城穀梁曰城為保民為之也。民衆城小則益城益城無極。凡城之志皆記也。夫城有二。有增舊而城之者。有作都邑而城之者。今日

益城無極則是特論增城者耳。詩稱王命南仲往城于方易稱王公設險以守其國。而大司馬之屬以特修城郭之固則城者先王所不廢。特以謂不特此以保民則可矣。故傳稱莒不戒城惡而致潰也。城因築而後成。故亦謂之築。而築不足以盡城之義。蓋曰城則有厲禁封守之法焉。若以為都邑之辨則作邑于豐既成洛邑非無宗廟者也。凡土功龍見而戒事火見而致用水昏正而戒日至而畢過亦書。

春秋五禮例宗卷第七



春秋五禮例宗卷第八

賓礼上

張氏

錫生

朝 朝廟一見廟門

朝王

僖二十八年五月癸丑公會晉侯齊侯宋人蔡侯鄭伯衛子  
莒子盟于踐土公朝于王所冬天王狩于河陽壬申公朝  
于王所

來朝 使朝一見昏內女門 內女朝子一見內女來門

隱十一年春滕侯薛侯來朝

桓二年春正月滕子來朝

秋七月紀侯來朝 左作杞侯

六年冬紀侯來朝

七年夏穀伯綏來朝鄧侯吳離來朝

九年冬曹伯使其世子射姑來朝

十五年夏邾人牟人葛人來朝

莊公五年秋郕犂來朝

二十三年夏公及齊侯過于穀蕭叔朝公

二十七年冬杞伯來朝

僖七年夏小邾子來朝

二十年夏郟子來朝

二十七年春杞子來朝

文十二年正月杞伯來朝

秋滕子來朝

十一年秋曹伯來朝

十五年夏曹伯來朝

宣元年秋邾子來朝

成四年三月杞伯來朝

六年夏六月邾子來朝

七年夏五月曹伯來朝

十八年秋杞伯來朝

八月邾子來朝

襄元年九月邾子來朝

六年秋滕子來朝

七年春邾子來朝

夏四月小邾子來朝

二十一年冬十月曹伯來朝

二十八年夏邾子來朝

昭三年秋小邾子來朝

十七年春小邾子來朝

秋邾子來朝

定十五年正月邾子來朝

哀二年夏四月滕子來朝

凡諸侯見天子謂之朝亦謂之覲曲禮曰天子當依而立諸侯北面而見曰覲天子當寧而立諸公東面諸侯西面曰朝鄭氏謂朝受摯于朝受享于廟而覲則一受之于廟大宗伯曰春見曰朝夏見曰宗秋見曰覲冬見曰過由曲禮則朝覲之別以位由宗伯則朝覲之別以時然書稱歲二月東巡守至于岱宗肆覲東后又曰五載一巡守辟后四朝則朝覲不必以時為別明堂位稱周公朝諸侯天子負衣而立則朝覲不必以位為別覲

禮稱諸侯前朝則朝覲亦為通稱明矣論語謂子退朝則臣朝其君者也大行人謂使諸侯世相朝則諸侯交相見者也夫諸侯交相見而以臣朝其君之名名之所以崇敬讓相親睦之道也諸侯以君道臨人則可以受人之朝而不為僭敵國以敬讓相下雖朝人之國而不為屈如是則庶邦睦而王室寧矣春秋之時小國則朝大國則否故經所書朝事不一皆以小事大之禮也叔向曰明王之制間朝以讓禮謂三也而子大叔云五歲一朝與行人之法固異左氏獨以子大叔為正必有據依然考于書成王命諸侯六年五服一朝又六年王乃時巡冬朝于方岳以諸侯朝王且猶六歲則間于天子之事而相朝宜不能教于此然則世相朝殆先王之制矣

凡諸侯朝王大行人逆勞于畿至于郊王人勞之至于國天子

館之前朝皆受舍于朝同姓西面而異姓東面朝之日致命以  
 玉享以幣馬既而退聽事于廟門之左天子命之歸勞其來然  
 後乃出于是申以車服之賜重以享晏之好且為壇于國門之  
 外以待會盟而令事焉諸侯自相朝之禮雖止然司儀掌客畧  
 其其文而其實則猶見于春秋故傳稱齊侯如晉晉士鞅逆諸  
 河昭魯昭公如晉自郊勞至于贈賄無失禮五年則亦逆勞贈好  
 之禮也子產謂晉文公卑宮室而大諸侯之館則亦館之禮  
 也襄三邾隱公來朝執玉高魯定公受玉卑定十則亦致命以  
 玉之禮也鄭伯如晉壞垣以納車馬曰無所藏幣則亦享以幣  
 馬之禮也讓三隱公謂滕薛曰周之宗盟異姓為後十一年則亦  
 辨姓之禮也曹伯如晉受正文魯襄公如晉聽政四年則亦聽事  
 之禮也晉侯享諸侯鄭伯辭享昭十則亦享晏之禮也鄭伯

如楚舍而不壇襄二則亦為壇之禮也夫為壇乃天子所以令  
 諸侯之制春秋以小朝大則亦受其令故也然則春秋諸侯相  
 朝之禮殆略與觀禮等乎  
 聘聘而盟五見盟門

王聘

- 隱七年冬天王使凡伯來聘
- 九年春天王使南季來聘
- 相四年夏天王使宰渠伯糾來聘
- 五年夏天王使仍叔之子來聘
- 八年春正月天王使冢父來聘
- 莊二十三年春祭叔來聘
- 僖三十年冬天王使宰周公來聘

宣十年秋天王使王子來聘

外聘

隱七年夏齊侯使其弟年來聘

桓三年冬齊侯使其弟年來聘

莊二十三年夏荆人來聘

二十五年春陳侯使女叔來聘

僖三十三年二月齊侯使國歸父來聘

文四年秋衛侯使甯俞來聘

九年冬楚子使椒來聘

十二年秋秦伯使術來聘

宣十年冬齊侯使國佐來聘

成四年春宋公使華元來聘

八年春宋公使華元來聘

冬十月晉侯使士燮來聘

十八年夏晉侯使士匄來聘

襄元年冬衛侯使公孫剝來聘

晉侯使荀躒來聘

五年夏鄭伯使公子發來聘

八年冬晉侯使士匄來聘

十二年夏晉侯使士魴來聘

二十六年夏晉侯使荀吳來聘

二十七年春齊侯使慶封來聘

二十九年夏五月晉侯使士鞅來聘

吳子使札來聘

三十年春正月楚子使遠罷來聘

昭二年春晉侯使韓起來聘

十二年夏宋公使華定來聘

二十一年夏晉侯使士鞅來聘

曲禮曰諸侯使人問于諸侯曰聘而大行人稱時聘以結諸侯之好典瑞稱圭璋以覲聘則天子使人問諸侯亦謂之聘王制稱諸侯之于天子比年一小聘三年一大聘則諸侯使人問天子亦謂之聘穀梁曰聘諸侯非正誤矣叔向謂明王之制歲聘以志業而子大叔稱晉文之霸也今諸侯三歲而聘考于禮經時聘無數然則苟以事行焉可也春秋之時伯者制其䟽教故合諸侯以令朝聘之教然魯襄昭之間使介不通于齊者凡二十年則其䟽教不足證也

周之舊制卿大夫出聘略見于司儀掌客之職而其于聘禮凡使介之來入境則卿逆而勞之至于朝則致館既入則受于廟致命則以圭入享則以幣私覲則以錦加以勞問申以享宴好以貨賄所以交鄰國之道也春秋之時略有其實故傳稱季武子聘于宋褚師段逆之以受享襄二叔弓聘于晉二侯使郊勞辭使致館又辭昭二秦西乞術來聘襄仲辭王文十國莊子來聘自郊勞至于贈賄禮成而加之以敏晉士鞅來聘季孫使饋七牢而享晏之禮則無國無之雖未盡合于古乃有先王之遺制焉

獨稱來

如以來一見外如至門未遂逆后一見昏門

及以來一

隱元年十二月祭伯來

閔元年冬齊仲孫來

僖二十九年春介葛盧來

冬介葛盧來

襄十八年春白狄來

凡書來有來朝有來聘然不以朝聘名之謂其禮不成也

來錫

莊元年冬十月王使榮叔來錫桓公命

文元年夏四月天王使毛伯來錫公命

成八年秋七月天子使召伯來錫公命 錫左作賜

來求歸

來歸田邑二見取門  
來求歸一見昏門

來歸喪具見喪葬門  
來歸服一見本門

桓十五年春二月天王使冢父來求車

莊六年冬齊人來歸衛俘 左作衛寶

文九年春毛伯來求金

會

夫人

莊二年冬十一月夫人姜氏會齊侯于濼

七年春夫人姜氏會齊侯于防

冬夫人姜氏會齊侯于穀

僖十七年秋夫人姜氏會齊侯于下

內女

莊二十七年春公會杞伯姬于洮

諸侯

隱二年春公會戎于潛

九年冬公會齊侯于防

十年二月公會齊侯鄭伯于中丘

十一年夏公會鄭伯于特來

桓元年三月公會鄭伯于垂

二年七月蔡侯鄭伯會于鄧

三年正月公會齊侯于贏

夏六月公會祀侯于郟

六年四月公會祀侯于成

十年秋公會衛侯于桃丘弗遇

十一年秋公會宋公于夫鍾

冬十二月公會宋公于闕

十二年八月公會宋公于虛

冬十一月公會宋公于龜

十四年正月公會鄭伯于曹

十五夏公會齊侯于艾

十六年春正月公會宋公蔡侯衛侯于曹

十八年正月公會齊侯于濼公與夫人遂如齊

莊十三年春齊侯宋人陳人蔡人邾人會于北杏

十四年冬單伯會齊侯宋公衛侯鄭伯于鄆

十五年春齊侯宋公陳侯衛侯鄭伯會于鄆

二十七年冬公會齊侯于城濮

僖元年八月公會齊侯宋公鄭伯曹伯邾人于榿

三年秋齊侯宋公江人黃人會于陽穀

十一年夏公及夫人姜氏會齊侯于陽穀

十三年公會齊侯宋公陳侯衛侯鄭伯許男曹伯于鹹

十六年冬十二月公會齊侯宋公陳侯衛侯鄭伯許男



邢侯曹伯于淮

二十一年秋宋公楚子陳侯蔡侯鄭伯許男曹伯會于孟

執宋公以伐宋

二十八年冬十二月會公羊有公字齊侯宋公陳侯衛侯鄭伯

邾子秦人于温

文十三年冬公如晉衛侯會公于沓冬十二月己丑公及晉

侯盟還自晉鄭伯會公于斐

十七年六月諸侯會于扈

宣元年夏公會齊侯于平州

七年冬公會晉侯宋公衛侯鄭伯曹伯于黑壤

九年秋九月晉侯宋公衛侯鄭伯會于扈

十一年秋晉侯會狄于攢函

成十二年夏公會晉侯衛侯于瑣澤

十六年秋公會晉侯齊侯衛侯宋華元邾人于沙隨不見公

襄五年秋公會晉侯宋公陳侯衛侯鄭伯曹伯莒子邾子滕

子薛伯齊世子先吳人鄆人于戚

七年十二月公會晉侯宋公陳侯衛侯曹伯莒子邾子于

鄆鄭伯髡頑如會未見諸侯丙戌卒于鄆陳侯逃歸

十年春公會晉侯宋公衛侯曹伯莒子邾子滕子薛伯杞

伯小邾子齊世子光會吳于祖

二十一年冬公會晉侯齊侯宋公衛侯鄭伯曹伯莒子邾

子于商任

二十二年冬公會晉侯齊侯宋公衛侯鄭伯曹伯莒子邾

子薛伯杞伯小邾子于沙隨

二十四年秋八月公會晉侯宋公衛侯鄭伯曹伯莒子邾

子滕子薛伯杞伯小邾子于夷儀

昭四年夏楚子蔡侯陳侯鄭伯許男徐子滕子頓子胡子

沈子小邾子宋世子佐淮夷會于申

楚人執徐子

定八年夏公會晉師于瓦

十年夏公會齊侯于夾谷

冬齊侯衛侯鄭游速會于安甫

十四年夏五月公會齊侯衛侯于牽

秋齊侯宋公會于泚

大蒐于比蒲邾子來會公

哀七年夏公會吳于郟

十一年夏公會吳于橐臯

秋公會衛侯宋臯瑗于郟

十三年夏公會晉侯及吳子于黃池

大夫會救災一見災門

文元年秋公孫敖會晉侯于戚

十一年夏叔彭生會晉卻缺于承匡

宣十一年冬公孫歸父會齊侯于穀

十五年春公孫歸父會楚子于宋

秋仲孫篋會齊高固于無婁

成五年夏叔孫僑如會晉荀首于穀

十五年十月叔孫僑如會晉士燮齊高允咎宋華元衛

孫林父鄭公子魴邾人會吳于鍾離

襄二年秋七月仲孫蔑會晉荀偃宋華元衛孫林父曹人

邾人于戚

冬仲孫蔑會晉荀偃齊崔杼宋華元衛孫林父曹人  
邾人滕人薛人小邾人于戚

五年夏仲孫蔑衛孫林父會吳于善

八年春公如晉夏季孫宿會晉侯鄭伯齊人宋人衛人  
邾人于邢丘

十四年正月季孫宿叔老會晉士匄齊人宋人衛人鄭  
公孫蠆曹人莒人邾人滕人薛人杞人小邾人會吳  
于向

冬季孫宿會晉士匄宋華閱衛孫林父鄭公孫蠆莒人  
邾人于戚

十九年冬叔孫豹會晉士匄于柯

二十六年公會晉人鄭良霄宋人曹人于澶淵

昭元年春叔孫豹會晉趙武楚公子圍齊國弱宋向戌衛齊

惡陳公子招蔡公孫歸生鄭罕虎許人曹人于貌

九年春叔弓會楚子于陳

十一年秋季孫意如會晉韓起齊國弱宋華亥衛北

宮佗鄭罕虎曹人杞人于厥憇

十五年夏叔詣會晉趙鞅宋樂火心衛北宮喜鄭游吉

曹人邾人滕人薛人小邾人于黃父

二十一年秋晉士鞅宋樂初犁衛北宮喜曹人邾人滕

人會于扈

三十一年春季孫如意會晉荀躒于適歷

哀六年夏叔還會吳子祖

傳稱楚子合諸侯于申問禮于宋左師鄭子產左師獻公合諸

侯之禮六子產獻伯子男會公之禮六子服景伯曰王合諸侯則伯帥侯牧以見于王伯合諸侯則侯帥子男以見于帥然則王伯合諸侯之禮不同今皆亡之惟宗伯稱特見為會而司儀掌容畧具其儀耳節則未之詳也叔向以謂明王之制再朝而會以示威將會而盟以顯昭明然則亦歲一會矣以宗伯言之特會無數則非有踈數苟以事行焉可也春秋之時朝聘會盟皆出強國之令久而未至則徵之亦未必有其節也

周官國君命數以次而殺其別有五其節惟三公為上侯伯為次子男為下若春秋之時則伯子男合而為一故子產謂鄭伯男也而共諸侯之貢孟子論周室班爵祿則又曰公一位侯一位伯一位子男同一位與周官春秋雖不合然五等之高下固自若也先王以是稱諸侯之功而定其班列及其衰也強者并

而五伯與中國不競則又擅于夷狄文武所褒大封皆威而服焉春秋所書班列之次率不與先王合或主兵或主會或主謀則雖小國有在伯國之上者矣或為伯所升或為伯所黜則雖大侯有在子男之下者矣叔孫曰宋衛吾匹也又曰諸侯之會寡君未嘗後衛君則魯之班先衛而下宋矣傳曰周之宗盟異姓為後而子魚所稱踐土之盟齊宋皆下諸姬則魯之班又當在宋上矣然春秋以魯為主故凡公會諸侯不復以班皆為之冠若外諸侯則同姓亦宜為異姓之先而經不然者蓋當時先後實以強弱為之次聖人不皆正焉所以示其非也如踐土之盟子魚所稱亦與經不合豈當時載者與諸國所紀異其文哉豈聖人惡其文之正而實之違哉

皮帛繼子男而春秋所書諸侯世子或在國君上下一出于伯者所令而已矣諸公之孤其命數亦視子男侯伯之卿下孤一等子男之卿下侯伯一等臧宣叔曰次國之上卿當大國之中中當其下三當其上大夫小國之上卿當大國之下卿中當其上大夫下當其下大夫古之制也叔孫婁又謂周制列國之卿當小國之君而左氏亦云卿不會公侯會伯子男可也案列國之卿與天子之元士皆三命元士受地則得視子男而列卿則無視子男之禮其曰當小國之君未之詳也周官有卿而無上大夫則上大夫謂卿也今宣叔之言則諸侯之國既有卿又有上大夫列國之大夫固足以當小國之卿而其所謂上下次大之節禮無其文王制所載乃春秋所書卿大夫之次徒以國之強弱班馬夫必皆古制也惟魯大夫出會則雖公侯亦在

其下此與魯君先諸侯同義若外大夫與國君相當則或上或下各因所書之實以示義而其班則亦不可得而考也

盟

諸侯盟而會一見會門

隱元年三月公及邾儀父盟于蔑

二年八月庚辰公及戎盟于唐

十月紀于帛莒子盟于密

二年冬十二月齊侯鄭伯盟于石門

六年夏五月辛酉公會齊侯盟于艾

八年秋七月庚午宋公齊侯衛侯盟于瓦屋

桓元年夏四月丁未公及鄭伯盟于越

二年公及戎盟于唐

十二年夏六月壬寅公會杞侯莒子盟于曲池

秋七月丁亥公會宋公燕人盟于穀丘

冬十一月丙戌公會鄭伯盟于武父

十七年春正月丙辰公會齊侯紀侯盟于黃

二月丙午公及邾儀父盟于越

莊十三年冬會齊侯盟于柯

十六年冬十有二月會齊侯宋公陳侯衛侯鄭伯許男

滑伯滕子同盟于幽

二十三年十有二月甲寅公會齊侯盟于扈

二十七年夏六月公會齊侯宋公陳侯鄭伯同盟于幽

閔元年秋八月公及齊侯盟于落姑

僖二年秋九月齊侯宋公江人黃人盟于貫

五年夏公及齊侯宋公陳侯衛侯鄭伯許男曹伯會王世

子于首止秋八月諸侯盟于首止鄭伯逃歸不盟

七年秋七月公會齊侯宋公陳世子款鄭世子華盟于甯母

八年春王正月公會王人齊侯宋公衛侯許男曹伯陳世

子款盟于洮鄭伯乞盟

九年夏公會寧周公齊侯宋子衛侯鄭伯許男曹伯于葵

丘九月戊辰諸侯盟于葵丘

十五年三月公會齊侯宋公陳侯衛侯鄭伯許男曹伯盟

于杜丘遂次于匡公孫敖帥師及諸侯之大夫救徐

十九年夏六月宋公曹人邾人盟于曹南鄭子會盟于邾

己酉邾人執鄭子用之

二十一年秋宋公楚子陳侯蔡侯鄭伯許男曹伯會于

孟執宋公以伐宋十二月癸丑公會諸侯盟于薄釋宋公

二十五年十二月癸亥公會衛子莒慶盟于泚

二十六年正月己未公會莒子衛甯速盟于向

二十七年冬楚人陳侯蔡侯鄭伯許男圍宋十二月甲

戌公會諸侯盟于宋

二十八年五月癸丑公會晉侯齊侯宋公蔡侯鄭伯衛子

莒子盟于踐土陳侯如會

文三年冬公如晉十二月己巳公及晉侯盟

十三年冬公如晉十有二月己丑公及晉侯盟

十四年六月公會宋公陳侯衛侯鄭伯許男穀梁云曹

伯晉趙盾癸酉同盟于新城

十五年冬十有一月諸侯盟于扈

十七年四月齊侯伐我西鄙六月癸未公及齊侯盟于穀

宣十一年夏楚子陳侯鄭伯盟于辰陵

十七年六月己未公會晉侯衛侯曹伯邾子同盟于斷道

成五年十二月己丑公會晉侯齊侯宋公衛侯鄭伯曹伯邾

子杞伯同盟于蠆牢

七年秋公會晉侯齊侯宋公衛侯曹伯莒子邾子杞伯救

鄭八月戊辰同盟于馬陵

九年正月公會晉侯齊侯宋公衛侯鄭伯曹伯莒子杞伯

同盟于蒲

十五年三月癸丑公會晉侯衛侯鄭伯曹伯宋世子成齊

國佐邾人同盟于戚

十七年夏公會丑于單子晉侯齊侯宋公衛侯曹伯邾人  
伐鄭六月乙酉同盟于柯陵

襄三年春公如晉夏四月壬戌公及晉侯盟于長檮

六月公會單子晉侯宋公衛侯鄭伯莒子邾子齊世子光  
已未同盟于雞澤陳侯使袁僑如會戊寅叔孫豹及  
諸侯之大夫及陳袁僑盟

九年冬公會晉侯宋公衛侯曹伯莒子邾子滕子薛伯

杞伯小邾子齊世子光伐鄭十二月己亥同盟于戲

十一年夏四月公會晉侯宋公衛侯曹伯齊世子光莒子

邾子滕子薛伯杞伯小邾子伐鄭秋七月己未同盟于

亳城北

十八年冬十月公會晉侯宋公衛侯鄭伯曹伯莒子邾

子滕子薛伯杞伯小邾子同圍齊十九年春王正月諸  
侯盟于祀柯

二十年夏六月庚申公會晉侯齊侯宋公衛侯鄭伯曹

伯莒子邾子滕子薛伯杞伯小邾子盟于澶淵

二十五年五月公會晉侯宋公衛侯鄭伯曹伯莒子邾子

滕子薛伯杞伯小邾子于夷儀秋八月己巳諸侯同盟

于重丘

昭十三年秋公會劉子晉侯齊侯宋公衛侯鄭伯曹伯莒子

邾子滕子薛伯杞伯小邾子于平丘八月甲戌同盟于

平丘公不與盟

二十六年秋公會齊侯莒子邾子杞伯盟于鄆陵

定四年三月公會劉子晉侯宋公蔡侯衛侯陳子鄭伯許



男曹伯莒子邾子頓子胡子膝子薛伯杞伯小邾子

齊國夏于召陵侵楚五月公及諸侯盟于臯馳

七年秋齊侯鄭伯盟于鹹 齊侯衛侯盟于沙

八年冬衛侯鄭伯盟于曲濮

十二年冬十月癸亥公會齊侯盟于黃

大夫

隱元年九月及宋人盟于宿

八年九月辛卯公及莒人盟于浮來

栢十一年春正月齊人衛人鄭人盟于惡曹

九月柔會宋公陳侯蔡叔盟于析

莊九年春公及齊大夫盟于莒

十九年秋公子結媵陳人之婦于鄆遂及齊侯宋公盟

二十二年秋七月丙申及齊高偃盟于防

僖十九年冬會公羊有公字陳人蔡人楚人鄭人盟于齊

二十年秋齊人狄人盟于邢

二十一年春宋人齊人楚人盟于鹿上

二十九年夏會公穀皆有公字左氏經雖無之而傳亦哀公會但云卿不書也王人晉人宋

人齊人陳人蔡人秦人盟于翟泉

三十二年夏衛人侵狄秋衛人及狄盟

文二年三月乙巳及晉處父盟

夏六月公孫敖會宋公陳侯鄭伯晉士穀盟于垂隴

七年秋八月公會諸侯晉大夫盟于扈

八年冬十月壬午公子遂會晉趙盾盟于衡雍

乙酉公子遂會雒戎盟于暴

十年及蕪于盟于女栗

十六年春季孫行父會齊侯于陽穀齊侯弗及盟

六月戊辰公子遂及齊侯盟于鄆丘

宣十二年晉人宋人衛人曹人同盟于清丘

成元年夏滅孫謀及晉侯盟于赤棘

二年六月癸酉季孫行父滅孫謀叔孫僑如公孫嬰齊帥

師會晉卻克衛孫良父曹公子首及齊侯戰于鞏齊師

敗績秋七月齊侯使國佐如師己酉及國佐盟于表婁

十一月公會楚公子嬰齊于蜀丙申公及楚人秦人宋人

陳人衛人鄭人齊人曹人邾人薛人鄆人盟于蜀

三年十一月晉侯使荀庚來聘衛侯使孫良夫來聘丙

午及荀庚盟丁未及孫良夫盟

十一年三月晉侯使卻擘來聘己丑及卻擘盟

十六年十二月己丑季孫行父及晉卻擘盟于扈

十八年十二月仲孫蔑會晉侯宋公衛侯邾子齊崔杼

同盟于虛打

襄三年六月戊寅叔孫豹及諸侯之大夫及陳袁僑盟

七年冬十月衛侯使孫林父來聘壬戌及孫林父盟

十五年春宋公使向戌來聘二月己亥及向戌盟于劉

十六年三月公會晉侯宋公衛侯鄭伯曹伯莒子邾子薛

伯杞伯小邾子于溴梁戊寅大夫盟

二十年正月辛亥仲孫速會莒人盟于向

二十七年夏叔孫豹會晉趙武楚屈建蔡公孫歸生衛

石惡陳孔吳鄭良霄許人曹人于宋秋七月辛巳豹

及諸侯之大夫盟于宋

昭十一年五月仲孫纁會邾子盟于祿祥

定三年冬仲孫何忌及邾子盟于技

哀二年春王二月季孫斯叔孫州仇仲孫何忌帥師伐邾取

瀆東田及沂西田癸巳叔孫州仇仲孫何忌及邾子盟

于句繹

來盟 再盟一見盟門

桓十四年春正月公會鄭伯于曹夏五文關鄭伯使其弟語來

盟

閔二年冬齊高子來盟

僖四年正月公會齊侯宋公陳侯衛侯鄭伯許男曹伯侵蔡

蔡潰遂伐楚次于陞夏楚屈完來盟于師盟于呂陵

文十五年三月宋司馬華孫來盟

宣七年春衛侯使孫良夫來盟

襄二十九年五月杞子來盟

涖盟

僖三年秋齊侯宋公江人黃人會于陽穀冬公子友如齊涖

盟 穀作季友

文七年冬徐伐莒公孫敖如莒涖盟

昭七年正月暨齊平三月叔孫婁如齊涖盟

定十一年冬及鄭平叔還如鄭涖盟

古者天子巡守諸侯入朝王皆為壇于國門之外加方明焉天子祀之蓋以為盟尸也先王躬誠明之德以臨下人孰不信而必有事乎齊盟者蓋在我者可以質諸鬼神而不疑然後可以

責人之信已且在我可任而在人者不可保故也殺牲而軟其血以示信之由象珠槃玉敦以奉之以示意之精純載書以示言之可復雖然不先以德則神弗聽而誠弗固凡春秋之盟是也然以齊桓之德葵丘之會猶能使諸侯來牲載書而不軟血則先王躬誠明以淮之可知矣經有同盟者杜氏謂服異也有淮盟者穀梁謂外前定之詞也有來盟者穀梁謂內前定之詞也

晉命

桓三年夏齊侯衛侯晉命于蒲

春秋五禮例宗卷第八

春秋五禮例宗卷第九

賓禮下

張氏

遇內女遇一見昏門

隱四年夏公及宋公過于清

八年春宋公衛侯過于垂

莊四年夏齊侯陳侯鄭伯過于垂

二十三年夏公及齊侯過于穀

三十年冬公及齊侯過于魯濟

三十二年夏宗公齊侯過于梁丘

公穀皆謂遇者不期而會也宗伯冬見曰遇鄭氏亦云欲若不期而至者國風野有蔓草男女思不期而會之詩也曰邂逅相遇則遇為不期審矣穀梁又曰志相得也豈以無不同之可會無不協之可盟者乎

如至

公

隱五年春公觀魚于棠

桓二年九月公及戎盟于唐

冬公至自唐

十六年四月公會宋公衛侯陳侯蔡侯伐鄭

秋七月公至自伐鄭

十八年春王正月公會齊侯于濼公與夫人姜氏遂如齊

莊五年冬公會齊人宋人陳人蔡人伐衛

六年秋公至自伐衛

二十二年冬公如齊納幣

二十三年春公至自齊

二十三年夏公如齊觀社

公至自齊

二十六年春公伐戎

夏公至自伐戎

僖四年春王正月公會齊侯宋公陳侯衛侯鄭伯許男曹伯

侵蔡潰遂伐楚次于陞盟于呂陵秋及江人黃人伐

陳

八月公至自伐楚

六年夏公會齊侯宋公陳侯衛侯曹伯伐鄭秋楚人圍

許諸侯遂救許

冬公至自伐鄭

十年春王正月公如齊

十五年春王正月公如齊三月公會齊侯宋公陳侯衛侯

鄭伯許男曹伯盟于牡丘遂次于匡公孫教帥師及諸

侯之大夫救徐

十六年冬十二月公會齊侯宋公陳侯衛侯鄭伯許男邢

侯曹伯于淮

十七年九月公至自會

二十六年冬公以楚師伐齊取穀 公至自伐齊

二十八年冬公會晉侯齊侯宋公蔡侯鄭伯陳子莒子邾子秦人于温諸侯遂圍許

二十九年春公至自圍許

三十三年冬十月公如齊 十有二月公至自齊

文三年冬公如晉十二月公及晉侯盟

四年春公至自晉

十三年冬公如晉十有二月己丑公及晉侯盟公還自晉

鄭伯會公于斐

十四年春王正月公至自晉

十四年六月公會宋公陳侯衛侯鄭伯許男曹伯晉趙

肩癸酉同盟于新城

秋七月公至自會

十七年六月癸未公及齊侯盟于穀諸侯會于扈

秋公至自穀

宣四年秋公如齊

公至自來

五年春公如齊

夏公至自齊

七年夏公會齊侯伐萊

秋公至自伐萊

冬公會晉侯衛侯鄭伯曹伯于黑壤

八年春公至自會

九年春王正月公如齊

公至自齊

十年春公如齊

公至自齊

十七年六月己未公會晉侯衛侯曹伯邾子同盟于斷道

春秋左傳卷之九

成三年春王正月公會晉侯宋公衛侯曹伯伐鄭

二月公至自伐鄭

夏公如晉

公至自晉

四年四月公如晉

秋公至自晉

五年十二月己丑公會晉侯齊侯宋公衛侯鄭伯曹伯邾

子杞伯同盟于燕牢

六年春王正月公至自會

七年秋公會晉侯齊侯宋公衛侯曹伯莒子邾子杞伯救

鄭八月戊辰同盟于馬陵

公至自會

九年春王正月公會晉侯齊侯宋公衛侯鄭伯曹伯莒子

杞伯同盟于蒲

公至自會

十年秋七月公如晉

十一年春王三月公至自晉

十三年三月公如京師五月公自京師遂會晉侯齊侯宋

公衛侯鄭伯曹伯邾人滕人伐秦

秋七月公至自伐秦

十五年三月癸丑公會晉侯衛侯鄭伯曹伯宋世子成齊

國佐邾人同盟于威

公至自會

十六年秋公會晉侯齊侯衛侯宋華元邾人于沙隨不見

公

公至自會

公會尹子晉侯齊國佐邾人伐鄭 十二月公至自會

十七年夏公會尹子單子晉侯齊侯宋公衛侯曹伯邾人

伐鄭六月乙酉同盟于柯陵 秋公至自會

冬公會單子晉侯宋公衛侯曹伯齊人邾人伐鄭

十有一月公至自伐鄭

十八年春王正月公如晉 夏公至自晉

襄三年春公如晉 四月公至自晉

六月公會單子晉侯宋公衛侯鄭伯莒子邾子齊世子光

己未同盟于雞澤

秋公至自會

四年冬公如晉

五年春公至自晉

五年秋公會晉侯宋公陳侯衛侯鄭伯曹伯莒子邾子滕

子薛伯齊世子光吳人鄫人于戚

公至自會

冬公會晉侯宋公衛侯鄭伯曹伯齊世子光救陳

十二月公至自救陳

八年春王正月公如晉夏季孫宿會晉侯鄭伯齊人宋

人衛人邾人于邢丘

公至自晉

十年春公會晉侯宋公衛侯曹伯莒子邾子滕子薛伯杞

伯小邾子齊世子光會吳于祖五月甲午遂滅偃陽

公至自會



秋公會晉侯宋公衛侯曹伯莒子邾子齊世子光滕子薛伯杞伯小邾子伐鄭 冬公至自伐鄭

十一年夏公會晉侯宋公衛侯曹伯齊世子光莒子邾子滕子薛子杞伯小邾子伐鄭秋七月同盟于亳城北

公至自伐鄭

公會晉侯宋公衛侯曹伯齊世子光莒子邾子滕子薛伯杞伯小邾子伐鄭會于蕭魚

公至自會

十二年冬公如晉

十三年春公至自晉

十六年三月公會晉侯宋公衛侯鄭伯曹伯莒子邾子薛伯杞伯小邾子于溴梁戊寅大夫盟

夏公至自會

十八年冬十月公會晉侯宋公衛侯鄭伯曹伯莒子邾子滕子薛伯杞伯小邾子同圍齊十九年春王正月諸侯盟于祝柯

公至自伐齊

二十年夏六月庚申公會晉侯齊侯宋公衛侯鄭伯曹伯莒子邾子滕子薛伯杞伯小邾子盟于澶淵

秋公至自會

二十一年春王正月公如晉 夏公至自晉

冬十月公會晉侯齊侯宋公衛侯鄭伯曹伯莒子邾子于

商任

二十二年春王正月公至自會

二十二年冬公會晉侯齊侯宋公衛侯鄭伯曹伯莒子邾子薛伯杞伯小邾子于沙隨

公至自會

二十四年八月公會晉侯宋公衛侯鄭伯曹伯莒子邾子滕子薛子杞伯小邾子于夷儀

冬公至自會

二十五年五月公會晉侯宋公衛侯鄭伯曹伯莒子邾子滕子薛伯杞伯小邾子于夷儀秋八月己巳諸侯同盟

于重丘

公至自會

二十一年十一月公如楚

二十九年春王正月公在楚

夏五月公至自楚

昭二年冬公如晉至河乃復

五年春王正月公如晉

秋七月公至自晉

七年三月公如楚

九月公至自楚

十二年夏公如晉至河乃復

十三年秋公會劉子晉侯齊侯宋公衛侯鄭伯曹伯莒子邾子滕子薛伯杞伯小邾子于平丘八月甲戌同盟于

丘公不與盟

公至自會

冬十月公如晉至河乃復

十五年冬公如晉

十六年夏公至自晉

二十一年冬公如晉至河乃復

二十三年冬公如晉至河有疾乃復

二十五年九月公孫于齊次于陽州十二月齊侯取鄆

二十六年三月公至自齊居于鄆

秋公會齊侯莒子邾子杞伯盟于鄆陵

公至自會居于鄆

二十七年春公如齊

公至自齊居于鄆

冬十月公如齊

公至自齊居于鄆

二十八年三月公如晉次于乾侯

二十九年春公至自乾侯居于鄆

二十九年春公如晉次于乾侯冬十月鄆潰

三十年春王正月公在乾侯

三十一年春王正月公在乾侯

三十二年春王正月公在乾侯

定三年春王正月公如晉至河乃復

四年三月公會劉子晉侯宋公蔡侯衛侯陳子鄭伯許男

曹伯莒子邾子頓子胡子滕子薛伯杞伯小邾子齊國

夏于呂陵侵楚五月公及諸侯盟于臯鼬

秋七月公至自會

六年二月公侵鄭

公至自侵鄭

八年春王正月公侵齊

公至自侵齊

二月公侵齊

三月公至自侵齊

夏公會晉侯于瓦

公至自瓦

十年夏公會齊侯于夾谷

公至自夾谷

十二年冬十月癸亥公會齊侯盟于黃十一月公至自黃

十二月公圍成

公至自圍成

十四年五月公會齊侯衛侯于牽

公至自會

哀十年二月公會吳伐齊

五月公至自伐齊

十三年夏公會晉侯及吳于于黃池

秋公至自會

夫人公及如一見公如門 聘至三見昏門

莊五年夏夫大姜氏如齊師

十五年夏夫人姜氏如齊

十九年秋夫人姜氏如莒

二十年春王二月夫人姜氏如莒

文九年春夫人姜氏如齊 三月夫人姜氏至自齊

內大夫 如莒十二 如結昏五 如乞師 各見本門 如盟四 如奔

莊二十五年冬公子友如陳

三十二年冬十月公子慶父如齊

僖五年夏公孫茲如年

七年秋公子友如齊

十三年冬公子友如齊

二十八年秋公子遂如齊

三十年冬公子遂如京師遂如晉

三十一年春公子遂如晉

文元年夏叔孫得臣如京師

冬公孫敖如齊

五年夏公孫敖如晉

六年夏季孫行父如陳

秋季孫行父如晉

十一年秋公子遂如宋

十五年春季孫行父如晉

秋季孫行父如晉

十七年冬公子遂如齊

十八年秋公子遂叔孫得臣如齊

十月季孫行父如齊

宣元年夏季孫行父如齊

公子遂如齊

八年夏六月公子遂如齊至黃乃復辛巳卒

九年夏仲孫蔑如京師

十年秋季孫行父如齊

冬公孫歸父如齊

十八年七月公孫歸父如晉

冬十月公甯歸父還自晉至筮遂奔齊

成五年正月仲孫蔑如宋

六年六月公孫嬰齊如晉

冬季孫行父如晉

八年春公孫嬰齊如莒

十一年夏季孫行父如晉

秋季孫僑如齊

襄二年七月叔孫豹如宋

四年夏叔孫豹如晉

五年夏叔孫豹卽世子巫如晉

六年冬叔孫豹如邾季孫宿如晉

七年秋季孫宿如衛

九年夏季孫宿如晉

十六年冬叔孫豹如晉

十九年春季孫宿如晉

二十年秋季叔老如齊

冬十月季孫宿如宋

二十四年春季叔孫豹如晉

冬叔孫豹如京師

二十八年八月仲孫羯如晉

二十九年冬仲孫羯如晉

昭二年夏叔弓如晉

冬季孫叔如晉

六年夏季孫宿如晉

冬叔弓如楚

八年夏四月叔弓如晉

九年秋季孫纘如齊

十三年晉人執季孫意如以歸

十四年春季意如至自晉

二十三年叔孫婁如晉人執我行人叔孫婁

二十四年春季婁至自晉

二十五年春季叔孫婁如宋

定六年夏季孫斯仲孫何忌如晉

十年冬季叔孫州仇如齊

外

如會如師四見會盟二門與內大夫如一見上

桓五年夏齊侯鄭伯如紀

冬州公如曹

六年正月寔來

文十四年冬單伯如齊 人執單伯

十五年六月單伯至自齊

左氏曰凡公行告于廟及行飲至舍爵策勳焉禮也公行之禮雖不繫見然卿大夫受命以出則釋幣于禰比其反也釋奠于禰席于阼階與其室老及從行者獻酬而出上介亦如之以使介之出如此則公行告廟飲至之禮且亦當然其或自外來者雖非出而亦以其至告廟且飲其從至者故亦書至焉如大人至之類穀梁謂致君者殆其往而喜其反此王自內出者言之可也其

或以前事至或以後事至或以地至則告有異同事有大小各因其定以示義耳其曰惡事不致會夷狄不致離會不致相會不致于經無所見之然公居于外而亦書如至者以君出載王而行覲禮謂侯氏禘冕釋幣于禰是也內大夫出而不書至惟執則至焉蓋君遣使于外則亦告其事于廟已事而反則無所用告若為外所執則宗廟與有辱焉其反也告之所以安祖考也凡魯公出朝卿出聘皆曰如自我往者書其始則以未成事言之其朝于王所則曰朝自外告者書其終則以既成事言之若其以成事行則又但正名其事而已矣

春秋五禮例宗卷第九





莊三年七月公子翬如齊逆女

九月齊侯送姜氏于謹公會齊侯于謹

夫人姜氏至自齊

莊二十二年冬公如齊納幣

二十四年公如齊逆女 秋公至自齊

八月丁丑夫人姜氏入

戊辰大夫宗婦覲用幣

文二年冬公子遂如齊納幣

四年夏逆夫姜于齊

十八年冬十月夫人姜氏歸于齊

宣元年正月公子遂如齊逆女

二月遂以夫人婦姜至自齊

娶內女

隱二年九月紀裂繻來逆女 冬十月伯姬歸于紀

莊十二年紀叔姬歸于鄭 三年鄭入齊 四年紀姜去其國

十九年公子結媵陳人之婦于鄭

二十五年夏伯紀歸于杞

二十七年冬杞伯姬來

僖二十八年秋杞伯姬來

二十七年莒慶來逆叔姬

僖十四年夏季紀與鄆子遇于防鄆子來朝

十五年季紀歸于鄆

二十五年宋蕩伯姬來逆婦

三十一年杞伯姬來求婦

文十四年齊人執子叔姬

十五年齊人來歸子叔姬

宣五年九月齊高固來逆叔姬

冬齊高固及子叔姬來

十六年邾伯姬來歸

成五年杞叔姬來歸

八年夏宋公使公孫壽來納幣

十月衛人來媵

九年二月伯姬歸于宋

夏李孫行父如宋致女晉人來媵

十年五月齊人來媵

內女來朝

僖五年春杞伯姬來朝其子

傳曰女子許嫁笄而字禮之稱字則字尊于稱女也公女許嫁則視公子嫁于諸侯則視諸侯諸侯來逆則曰女而不稱字者未敢以其尊當君也既至其國則夫人矣夫人來歸則稱字而不曰夫人者父母之國詞也天子之后則命之斯成其尊矣不成其尊不足以匹至尊也諸侯之娶于諸侯敵也敵則嫌于相當天子之娶于諸侯降也降則嫌于非匹故天子之逆則稱后諸侯之逆則稱女若乃大夫自逆于公則女稱字焉以其下嫁故得申其尊也昏禮有五而獨書納幣者舉其重者也蓋禮于納采曰有惠于問名曰有命于納吉曰有貺于問期曰有賜而于納徵獨曰重禮則五禮之中此為重故也穀梁曰納幣使大夫正也逆女親者也考于禮凡使者歸必反命曰既得將事則納幣當使人孔子曰冕而親迎則逆女當親之然天子諸

侯有邦國之事或不得親則使卿為正士昏禮曰若不親迎則婦入三月而婿見于主人然則士有故且或不親而况人君子詩刺不親迎言其常也經書卿逆言其故也婦人謂嫁曰歸女以男為家者也魯夫人歸寧曰如某出曰歸于某魯女歸寧曰來出曰來歸魯夫人之出與魯女之嫁者同詞皆自內往而彼為主之稱也魯女之出與外之以物至者同詞皆自外來而我為主之稱也其曰如某則與公如同義

生

桓六年九月丁卯子同生

歸服

定十四年天王使石尚來歸服

享

莊四年春王二月夫人姜氏享齊侯于祝丘

肆膏附


莊二十二年春王正月肆大膏

春秋五禮例宗卷第十

通共大字並小字三萬零五百四十三個

通雅





UNIVERSITY OF TORONTO

